



Tir Yimyim

www.tiryimyim.in

Regd. No. RNI. NAGAAO/2004/13113. Postal-NE/RN-717.

e-mail : tiryimyim@gmail.com

TAPAK 9

Sorkari linük nung osangbenertem
ola madokdaksür: Rahul

TAPAK 10

Panama Papers ken o nung Nawaz
Sharif-i June 15 nung kuli agütsütsü

VOL. XIV NO. 235 (ADOK 235)

DIMAPUR

TUESDAY

JUNE 13, 2017

5.00

Yisuji Kibur aser Kümtetdakba lir: NBCC

Dimapur, June 12 (TYO): Gujarat nung class 9 text book nung Yisu Khrista dang mojing ta ajabaji masü saka Yisu Khrista ya Khristantem indang Kibur aser Kümtetdakba lir, ta Nagaland Baptist Church Council (NBCC)-i metetdaksüo.

Yisu ji mojing ta enokbaji printing aibelen ka lir aser iba aibelenji metongshitsü ta ketdangsertemi shiogo, saka iba ajanga linük nung aliba Khristantem temulung yirutsüo aser NBCC-i iba onük süoki ia agir, ta sangdong ka nung metetdaksü.

Yisu ji mojing ta aibelena zülü ta ashiba jagi meperir, kechiyong Khristan million aika atema Yisu ji Kibur aser Kümtetdakba lir. Khristantemi akhümtsübuba agi Yisu ta züludanga 'y' tilaba mamshir. Anungji, Yisu dang mojing ta ajabaji aibelen dang masü saka mezümgmeshiba ka lir, ta NBCC-isa ashi.

NBCC-i iba aibelen tulu süoki

ia bilemer aser department dang aibelen metongshiba dang masü saka Khristantem dang tatok meshitsü atema tayongzükba agütsür.

Asenoki asen linük nung kaketshirtem dang tamangba yimsü tila mesüra tulu süang, ajak akhümtsübutsü indang tesayuba agütsüsüla. Tamangba tsütsü telok tilatem reshikangshiba aser timtem ajuruba mapang ka nung, iba ama aibelena mapa meinyaksüla, ta NBCC-isa metetdaksü.

Gujarat Education Department-i tangar atema kecha mebilemtsüi iba mapa inyakogo saka shitakba agibo asenoki kati ka atema bilemja, temulung yirutsüa mapa kecha meinyaksüla. Gujarat State Education minister, Bhupendrasinh Chudasama-i nangzükba ama, iba aibelen metongshiba dang masü saka linük nung Khristantem dang timi tatok meshitsüla, ta NBCC-isa ashi.

ENPO-i S.S.Khaplang mang ayimer

Dimapur, June 12 (TYO) : NSCN-K nung mendenbuba S.S.Khaplang asüba asoshi June 13, 2017 anogo ya mangyimba anogo asütsü ta ENPO-i metetdaksüo.

Iba anogo nung anepdang 6:00 ako nungi nikongdang 6:00 ako tashi private institution aser shishilemba dak dokan ajak shibanger mangyima amongtsü ta ENPO-isa metetdaksü.

Parnokisa Government office aser rejutema government-i meshiaka shibangtsü aser private garitema ENPO district-tem nung mejajatsüla ta metetdaksü.

Iba mangyimba anogo ya Eastern Nagaland tesem ajak nung amongtsü.

Ano, Mon district nungbo Konyak Union, Konyak Students' Union, KNSK aser tanga lokti tentetemi June 13, 2017 anungdang 12:00 ako nungi local ground nung asür bilemtetba sentong ka agitsü aser aonung 6:00 ako nungi DBS lenjem (Civil Hospital), Mon nung asür bilemteta temo milen tsüklokba sentong ka agitsü, anungji nübortem ajak arua adentsü asoshi metetdaksüo.

ACAUT Nagaland-i PDS ken o CBI nem bushisüngdang

Dimapur, June 12 (TYO): Sen crore meyrjang aika indang jang ochimashi amshiba den nisung tepsetba atema tai tonglokja alir Vinay Kumar Sethi (Tinku) indang benami account/s atema bushisüngdang asütsüla, ta ACAUT Nagaland-i Asst. Commissioner of Income Tax Dimapur Circle dang mepishia shidi ka zülüo.

December 9, 2016 nü ACAUT Nagaland-i Dimapur nung sen crore meyrjang aika indang jang ochimashi amshiba inyakyim jungkai adoka putetba

metetdaksü. Iba asoshi Sub-Urban PS nung Vinay Kumar Sethi (Tinku) anema FIR ka benokogo.

Tinku-i M/S Lotha Trading Agency aser M/S RZ Lotha tenüng nung pa indang shishilemba maparen nyak. Agency anaprong indang kiburji R. Zumomo Lotha lir aser pa Income Tax magütsütsü pur rongnung dena lir. Anungji IT Act alema parnoki inyakba atema M/S Lotha Trading Agency aser M/S RZ Lotha anema FIR benoka lir, ta ACAUT Media Cell sangdong nung shia lir.

(Maneni tapak 12 nung...)

Nagaland nung 'child labour' anema raratsü telemtetba agi



June 12, 2017 nü APO Hall Kohima nung 'World Day against Child Labour' amungdang Upper Naga Bazaar Baptist Church lanurtemi 'Stop Child Labour' jilushi aidang agiba noksa angur.

Kohima, June 12 (TYO): Hombarnü Nagaland nung World Day against Child Labour mungogo aser iba anogomung tenüng nung, arishi küm 14 teküp bok aliba tanurtem mapa inyadaksüba anema nokdaksü telemtetba agiogo.

Nagaland kübok tesem balala nung tanü sticker campaign, walks, art competitions, talks aser child labour indang shisatokden sentongtem ayongzükba agia liasü.

Iba sentong ya Department of Labour-i "In conflict and Disasters, Protect children from Child Labour" omen nung

ajemdaker agia liasü.

State yimtiba Kohima nung Childline Kohima den yaritepa sentong agi aser iba mapang tanurtemi "Tanur mapa inyadaksüba anenang", "Tanurtem atema mapa inyaksü tesen tajungtibaji School lir", "Auer tamajungtibai tanur ka taküm agir", "Tanur ka taküm metenzük dang raksatsütsü temerang" ta tezülubatem amer yimdong nung senzü.

"Asenoki tanur nem mapa inyadaksüba anema nokdaksüla, kechiyong iba inyakyim ajanga parnok alizüng aser teimlatem samatsür" ta tanü

State Labour Commissioner, L. Nungshiyanger Aier-i o jembidang ashi.

Asen state nunga child labour lir aser iba ya maneni ora, asen loktiliba nung takoksa tulu ajurutsü, ta paisa shisem.

Nagaland den putepa, Child Labour (Prohibition and Regulation) Amendment Act 2016 nung ajemdaker Nagaland State Legal Service Authority Member Secretary, Nino Iralu-i ashiba agi, child labour ta asüba ya tanurtem part time mesüra full time inyakyim nung mapa inyadaksüba dang ajar.

(Maneni tapak 12 nung...)

MKR Pillai ken o CBI nem bushisüngdang sädaksütsüla: NPCC

Dimapur, June 12 (TYO): Tawa Kerala nung Income Tax ketdangsertemi MKR Pillai'er kiojentem mita aodang rongsen aika aliba putetba ajanga tesüiba küm 15 tsüngda NPF-i aniba DAN sorkari ochimashi mapatem inyakba maneni jungkai adoka sayur, ta Media Cell, NPCC-i ashi.

Tesüiba küm 10 tsüngda Centre sorkari sen crore noklang aika agütsüo aser ibaji talisa 'Modernization of Police Force' atema liasü, saka senji tim mesüi amshi.

2009-10 financial year nung taila bill tema sayua police department nung sen crore 18 agizükba agi ta CAG report nung ashiba ajanga iba kuli jangjajangja sayur, ta NPCC-isa sangdong nung metetdaksü.

Nagaland police department nung Pillai-i ketdangsi arur aser

police ketdangser aika pai teyuba ama inyaksangshir. Ibaji state DGP-i Pillai indang kanga dang arendaka jembiba olen aser külen police ketdangser kati Pillai agienra police department nung timtem adoktsü ta ashibatam ajanga jungkai adoka sayur.

NPCC-i Police aser Finance department nung Consultant tem agientsü atema takhangba agüja arur, kechiyong taoba ketdangsertemi tang tashi bena alirtem den tesentaktep yur state ketdangsubaren madak yimsü asür, ta sangdong nunga shia lir.

Income Tax ketdangsertemi MKR Pillai indang shishilembaba maparen tulu jungkai adoka putetbaji mapa tajung inyakba ka lir. Ajisüaka, iba dak sendakba onük nung national media-i Nagaland jengang kanga mejungi sayur aser iba atema NPF-BJP

sorkari mapa kecha meinyakba angudang NPCC-i tebilemtsü tulu abener, ta parnokisa ashi.

State sorkari iba ken o ya CBI ket nung agütsütsüla aser police department nung tim mesüi inyaka arubatem bushisüngdang sädaksütsüla. MKR Pillai ama nisungtemi ochimashi yimten yimsüsürtem aser tongti police ketdangsertem teyari agia, ozüng alema mapa inyakbatem bushisüngdang asütsüla ta NPCC-i takhangba agütsü.

Asen state police department merüktetsü aser Pillai-i department madak ketdangsertetsüa teyari agütsüba yimsüsür aser tongti ketdangsertem jungkai adoka aputsü atema tang ya mapang tajung ka lir, ta Media Cell, NPCC-isa sangdong nung metetdaksü.

Dimapur nung MODI FEST atema 'promotional van' ka tenzüktsü

Dimapur, June 12 (TYO): June 14, 2017 nü Dimapur nung MODI FEST (Making of developed India) sentong agitsü aliba jakdang, Hombarnü state BJP president Visasolie Lhoungu-i Tourist Lodge, Dimapur nung 'promotional van' ka tenzüktsü.

India Prime minister Narendra Modi-i May 26, 2017 nü Saighat, Assam nung iba

benjung tenzükja liasü. Tanü Tourist Lodge nung apusoa yokba van gari jagi Dimapur jila kübok tesem balala sema senzütsü aser iba mapang LED aser tanga electronic den print materials ajanga sorkari inyakba sentongtem sayutsü.

(Maneni tapak 12 nung...)



NÜ VOTE

Enoktsütetsüsa anguba nüchiso jengangi
Tongtibang temeten ka dangbo masü,
Saka nai nü tarutsü tia shimtetba mapa ka lir.

DLSAs-i state tesem balala nung Child Labour awareness katsü

Dimapur, June 12 (TYO): Tanurtem nem mapa tasak inyakdaksüba onük balala nübürtem nem rajema angatdaksütsü nüngdak, ta apiteta June 12, 2017 nü World Day Against Child Labour anogomung nung District Legal Services Authorities (DLSAs)-i state tesem balala nung legal awareness programme ayongzüka katsüba den külemi "In conflicts and disasters, protect children from child labour" omen nung tetoktepba sentong kaogo.

Longleng: Longleng District Legal Services Authority (LDLSA)-i ayongzüka Government High School Longleng nung legal literacy programme ka katsü.

Iba sentong nung LDLSA Secretary, Tucuno Vamuzo-i tanurtem nem mapa inyakdaksüba dak sendakba ozüngtem, Arlla 21 A- Shisaliok temeten, Arlla 24- factory nung tanur mapa inyakdaksüba nokdangba aser Arlla 39 (e) indang metetdaksü.

Laisa, Child Labour (Prohibition and Regulation) Amendment Act, 2016 ajanga arishi küm 14 ser tekübok tanurtem nem mapa

inyakdaksüba nokdangba indang metetdaksü.

Ajisüaka iba nungji, pei kibong nung mapa tilateri inyakdaksüba mesüra audio-visual entertainment industry nung inyakbabo maden, ta lai metetdaksü.

Tucuno Vamuzo-isa, iba Act ajanga tainlonglong (asangur-aiür chanutem) temang nung timtem adokdaksüba mapatem inyaksü nokdang, aser shirnokisa tanur mesüra tainlonglongpur item mapa nung aniokdir küm ana tashi tepoukdak ayutsü mesüra senchi 20,000 dak tema achitsü mesüra temerenshi anaprong agütsütsüa akok, ta metetdaksü.

Wokha: Mt. Tiyi College Wokha nung Wokha District Legal Services Authority (WDLSA)-i ayongzüka legal awareness programme nung Assistant Public Prosecutor Wokha, Renebmo Tungoe-i child labour ozüngtem indang jembia liasü.

Kiphire: Kiphire nung Kiphire District Legal Services Authority (KDLSA)-i Legal Aid Clinic ka lapok aser ibaji Chief Judicial Magistrate, Kiphire & Secretary, Kiphire DLSA Wt. Mezivolu T Therieh, NJS-i

semzüksü aser Kiusam, Kiphire nung legal awareness programme ka ayonga agi.

Zunheboto: St. Anthony School Zunheboto nung Zunheboto District Legal Services Authority (ZDLSA) den District Child Protection Unit Zunheboto-i legal awareness programme ka ayonga katsü aser painting tetoktepba ka agia liasü.

Dimapur: District Legal Services Authority (DDLSA)-i Herbert Spencer School, Dimapur kaketshirtem atema sensitization programme ka ayonga katsü.

Mon: Mon District Legal Services Authority (MDLSA)-i Eastern school Mon nung anti-child labour act legal awareness seminar katsü aser iba sentong nung tesayur aser kaketshir 300 shi aden.

Kohima: Kohima District Legal Services Authority (KDLSA)-i Government Middle School, L Khel, Kohima Village nung legal awareness programme ka katsü.

Peren: Peren District Legal Service Authority (PDLA)-i Children Home, Peren nung tanurtem den sensaksem sentong ka agia liasü.

Dimapur Press Club-i mangyimer

Dimapur, June 12 (TYO): Dimapur Press Club (DPC) tatong Tir, Temjenrenba Anichar tetsü (otsüla), R. Nikendangchetla Tzudir mapang tatsüka shiranga aruba sülen June 10, 2017 nü Mokochung district kübok Changki yimdak asüba atema DPC-i mangyimer,

ta tanü DPC-i sangdong ka nung metetdaksü.

DPC-i mangyimer kibong züngsemtem den mangyim jashi lemsateper, iba den külemi ajak takoksang Tsüngremi asür nem tatem maka tesünep agüjang ta sarasademtsür, ta sangdong nungsa shia lir.

VBDA-i Blood Donors day atema sangdonger

Kohima, June 12 (TYO): Kümshia June 14 nü amungba World Blood Donors Day sentong Bodhbar nikonngang 2:00 ako nungi Gorkha Public Panchayat hall Chandmari, Kohima nung 'Give blood, give now, Give Often' omen nung amungtsü, ta tanü Voluntary Blood Donors Association (VBDA)-i sangdong ka nung metetdaksü.

Iba sentong nung tongti tesemdangjeri NHAK Managing Director, Dr. Neikhrielie Khimiao asütsü.

Iba sentong ya Gorkha Public Panchayat den Gorkha Student Union, Kohima aser Voluntary

Blood Donors Association, Kohima-i Blood Bank, NHAK den senteper ayongzüker.

Iba sentong agiba sülen azü tenlaba sentong ka agitsü, aser iba dak sendakba nung Voluntary Blood Donors Association, Kohima-i, azü nüngdabapur nem azü tenla agütsütsü atema ayongzüko.

Iba sentong nung GPPK Tiri o jembitsü, Voluntary Blood Donors Association, Kohima Tiri tajungshi o jembitsü, Karisma Barailly-i ken atentsü aser tongti tesemdangjeri o jembitsü.

GPPK Tir, Ankur Sangpang Rai-i tepela anküp o jembia sentong tembangtsü.



Mon, June 10, 2017: June 10, 2017 nü Mon nung takoksa angur kibongtem nem Mon EAC, Tsenthungo E Ngullie-i senotsü teyari agütsüba noksa nung angur.

Home Dept, NSDMA-i SEC züngsemtem reprangshiogo

Kohima, June 12 (TYO): Home Department, Nagaland State Disaster Management Authority (NSDMA)-i sangdong ka ajanga, January 30 2017 nü mendenbuba, Chief Secretary leniba nung State Executive Committee (SEC) senden amendang July 3, 2013 nung department-i metetdaksüba melenshia Disaster Management Act, 2005 kübok Nagaland sorkari State Executive Committee (NSDMA) züngsemtem reprangshiogo, ta metetdaksü.

SEC NSDMA mendenbuba aser züngsemtemji yamai asütsü:
1. Chief Secretary : Chairman
2. Commissioner, Nagaland : Member

3. Development Commissioner : Member
4. Finance Commissioner : Member
5. Home Commissioner & CEO NSDMA : Member
6. Commissioner & Secretary, Power : Member
7. Commissioner & Secretary, Finance : Member
8. Commissioner & Secretary, H&FW : Member
9. Commissioner & Secretary, Agriculture : Member
10. Commissioner & Secretary, PWD : Member
11. Commissioner & Secretary, Geology & Mining : Member
12. Commissioner & Secretary, Rural Development : Member
13. Commissioner & Secretary, PHE : Member

14. Commissioner & Secretary, Urban Development : Member
15. Commissioner & Secretary, Irrigation & Flood Control : Member
16. Commissioner & Secretary, Forest, Environment & Climate Change : Member
17. Commissioner & Secretary, Soil & Water Conservation : Member
18. Commissioner & Secretary, Veterinary & Animal Husbandry : Member
19. Special Secretary, Home : Member
Director General of Police aser Director CD&HG & Prisons special invitees asütsü, iba dak alia SEC-i iba committee nung adentsü temsüa alirtem jaoktsüa akok.



Wokha, June 12, 2017: Hombarnü Town Hall, Wokha nung Community First Responder training sentong nung Wokha District Disaster Management Authority (WDDMA) ketdangsertem, SDRF Team, CFR TOTs aser volunteer tem külemi tangokba noksa nung angur. WDDMA-i Civil Defense & Home Guards aser SDRF den senteper anogo pongunü training ya ayongzü. Anogo pongunü training nung 18 Community First responder (CFR) TOTs den SDRF team-i yaritepa volunteer 50 nem training agütsütsü.

Network of Blood Donors sangdong

Dimapur, June 12 (TYO): Nüngdabapur nem azü agütsütsü atema inyakba temelunger tentet, Network of Blood Donors-i sangdong ka ajanga parnoki ayongba 'Sales Day Cum Awareness Program' sentong nung shilem agitsü atema ayongzüko; World Blood Donors Day anogomung den tenjitepa iba sentongji June 14, 2017 nü GB office anasa Super Market Bazaar, Dimapur nung akatsü.

Sales Day nung chiyungtsü tapu balala den jumble sales aser tanga items aika angutsü, aser iba nungjagi ajangzüka senotsüji nüngdabapurtem atema amshitsü. Iba dak alia

shisalemsatepba sentong-a ka agitsü, aser iba sentong nungji azü dak sendakba nung o lemtepba den külemi azü tenlatsü melungertemi NOBD nunger register asütsü akok, ta sangdong nungsa shia lir.

"Asen nübürtem tenzüksü atema onok den yaritepdaksüner. Kodang nenoki azü tenladir, nenoki parnok taküm alitsü atema maongka agütsür aser taküm kümzüker. Azü tenlaba ajanga taküm ka kümzükbaji janngratemtsüka lir. Iba lima ya tajungba akumtsü atema nisungtemi na aser ni ama nüngdaker. Anungji arua azü tenla ang, iba ya janngratemtsüka lir," ta parnokisa ayongzü.

DAN-i ayonga angati Health Camps katsü

Dimapur, June 12 (TYO): Development Association of Nagaland (DAN), Intensified Malaria Control Project-3, Mokochung DPMU-i Anti-Malaria campaign dak sentakba nung Yajang Area Japukong range nung May 22-24, 2017 anogotem nung, aser Wokha district kübok Ralan Area nung June 9-11, 2017 anogotem nung anati medical camps katsügo.

Item health camps ayonga katsüba ya health care facilities junga

mangurtem aser tezülen alirtem ayimjemtsü nükjidong nung liasü.

Item camps nung Dr. Nungshi, Dr. T. Kikon aser Dr. Paghuram Marandi (SSB Golaghat Assam) nungeri ajaki agi shiranger 349 tashi temang tendangja anepaluogo.

Anogo 6 nü health camps programme nung area Sub Centres nungi IMCP-3 staffs, Nurse tem, Auxiliary Nurse Midwifery aser Pharmacist temi yaritepa liasü.



Guwahati, June 12 : Hombarnü Additional Superintendent of Police-i anri CID team kati excise superintendent Amarendra Nath LGB International Airport nug pur aodang tangokba yangi angur.

Arunachal nung mesenzüba bus tem permit agintsü

Iitanagar, June 12 (Agencies): Arunachal sorkari par state tenung nung register süa aliba tourist bus ajak state nung mesenzüba tashi permit agintsü ta telemetba agiogo.

Iba telemetba ajanga Andhra Pradesh aser Telangana nung Arunachal aser Nagaland indang permit nung private travel agencies temi gari anishia alibatem atema timtem adoktsü.

Osang ajanga ashiba agi, Arunachal Pradesh Transport Commissioner-i DTO ajak dang Arunachal tenung nung

registration agir tanga state (Andhra Pradesh aser Telangana) tem nung, Central Motor Vehicle (CMV) Act, 1986 aser Central Motor Vehicle Act, 1989 anema tourist buses/sleeper coaches senzüa aliba ajak indang permit agintsü asoshi metetdaksüogo.

Shidi tanabuba nung pai maneni item garitem indang national permit tema agintsü asoshi metetdaksü. Item garitem ya CMV Act, 1988, Section 44 nung tetuyuba agüja aliba ama tsüngtong oa merprangdangi registration asüba garitem lir,

iba den külemi CMV Act, 1988, section 40 aser 1989 rule 47, nung address jangjashitsü asoshi tetuyuba agüja aliba dena meinyak. Maneni 1989 CMTV Rule 93 aser 128 nung tetuyuba agüja aliba ama mesüi item garitem registration agiba nung aibelena lir.

DTO tem dang item tourist/sleeper garitem indang registration tangsa agintsü asoshi metetdaksüogo aser maneni gari kiburtem dang parnok anasa aliba police station ka nung gari tem oa tongtsütsü asoshi metetdaksüogo.

Maj Gen Raju Chauhan, NCC Directorate, NER, ADG kümogo

Shillong, June 12 (Agencies):

Maj Gen Raju Chauhan-i June 5 nü NCC Directorate, NER, Shillong command agizükogo. Pa ya National Defence Academy, Khadakwasla, Pune aser Indian Military Academy, Dehradun nung azüng aser pa 1984 küm June 9 nü Brigade of Guards 18buba Battalion nung züngoksema liasü. Pa maneni Wellington nung DSSC Defence Service Staff course aser Higher Air Command course agi liasü. Pai pa career aser professional course tem ajak nung kanga takok ngua aruogo.

Pa küm 33 sepai mapa nung inyadng tongtibang command, staff aser instructional appointments balala nung inyaka aru. Pai Southern Comd aser Western Comd theatres nung 6 GUARDS command asü, pai ano Strike Corps nung Armoured Brigade command asü. Maneni Army nunga pai tongtibang



mapatem nung inyak, koba nung tzü atena or Lao PDR nung linük tenzükba densema lir.

Maj Gen Chauhan Madras University nungi MSc degree angu aser iba sülen ano Hyderabad, Osmania University nungi Master of Management Studies nung degree ngua lir. Pa ya kanga dang takok tajung ngua aruba nisung ka lir aser pa nem CISC Commendation Card agütsüogo.

Pa Taruna Chauhan den kibong aküm aser tena nem jala Akanksha Chauhan moaja lir.

Mizoram nung nashishi benjung ka ayongzüksü

Aizwal, June 12

(Agencies): Centre sorkari nashishi nokdangba anema Hombarnü Mizoram yimtiba Aizwal nung nashishi benjungmong ka ayongzüksü. Iba benjung ya Union Home Minister Rajnath Singh state semdangba mapang shidak nung akatsü.

ZOlife Group aser tang lokti kari iba benjung ayongzükter aser parnoki iba benjung Aizawl Vanapa Hall nung akatsü ta sangdongba den

külemi lokti dang nikongtsütsü 2:00 ako nung Vanapa Hall-i arua iba sentong nung shilem agitsü asoshi jaok.

"Onoki Centre sorkar-i Mizo nunger chiyongtsü tongtibangtiba nokdangtsü merangba khenyongi anemer. Iba sentong nung ajak arua adentsü asoshi jaoker," ta sentong ayongertemi ashi.

Kasa mapang nung Mizoram sorkari tang tashi nung iba ken o nung parnok tebilemba lemsatepa mali.

GOVERNMENT OF NAGALAND OFFICE OF THE PRINCIPAL CHIEF CONSERVATOR OF FOREST & HEAD OF FOREST FORCE NAGALAND : KOHIMA

Allotment of seats of B.Sc. (Horticulture) and B.Sc. (Forestry) four years Course for 2017-18 in Dr. Y.S. Parmar University of Horticulture and Forestry Nauni, Solan, Himachal Pradesh

Sl. No.	Name of the state	B.Sc (Forestry)	B.Sc. (Horticulture)	Under self financing	
				B.Sc(Forestry)	B.Sc(Horti)
1.	Arunachal Pradesh	1	-	1	-
2.	Nagaland	-	1	1	1
3.	Tripura	1	-	-	1
4.	Sikkim	1	-	-	1
5.	Manipur	-	1	1	-
6.	Meghalaya	-	1	1	1
7.	Mizoram	1	1	-	-
	Total	4	4	4	4

The eligibility criteria for admission to the above course is 10+2 or its equivalent examination with English, Physics, Chemistry, Biology/Mathematics/ Agriculture of a recognized University/Board with a minimum of 60% aggregate marks (55% in case of SC/ST Category candidates in the above mentioned subjects).

The last date for admission to B.Sc(Horti) and B.Sc(Forestry) course without late fee is from 18th July, 2017 to 19th July, 2017 and up to 21st July, 2017 with late fee of Rs. 1000/- per day. Extension of admission date shall not be considered under any circumstances. It is further added that 4 Self Financing seats each in B.Sc (Horti) Horticulture and B.Sc (Horti) Forestry earmarked for candidates from North Eastern Region will be filled by the University itself. No financial assistance shall be provided by NEC in connection with the Degree Course.

(Kh. Siile Anthony)
Director (HRD&E)

Issued by: DIPR

GOVERNMENT OF NAGALAND OFFICE OF THE DEPUTY COMMISSIONER AND DISTRICT ELECTION OFFICER KOHIMA:NAGALAND

No. ELE/SVEEP/2016-17/

Kohima, dated, the June, 2017

ADVERTISEMENT

As part of SVEEP plan for Kohima district, Quotes/Slogans on the theme 'CLEAN ELECTION' are invited from all young electors of Kohima district in the age group of 18 to 21 years.

Three best entries will be awarded cash prize along with citations during the National Voters' Day celebration on 25th January, 2018.

The Quotes/Slogans can be sent through SMS/WhatsApp to **9402041751** from 14th to 23rd June, 2017 along with Name, age, gender and address.

Sd/
(RAJESH SOUNDARARAJAN) IAS
Deputy Commissioner
and District Election Officer
Kohima

Issued by: DIPR

OFFICE OF THE URBAN STATION COMMITTEE CHUCHU TOWN P.O - Chuchuyimlang; Nagaland - 798614 H.Q. Langpangkong Range



TEPELA SANGDONGER

Chuchuyimlang Town nubür-i asüngdangba ama Late. Matsung Pongen, Rtd. Director Industries & Commerce, par chirtem aser semchirtemi leper (Cemetery) atema ali angati agüja-a Putusa putu asoshi tenla tulu agütsüogo. Anungji par kinünger ajak dang Chuchuyimlang Town nuburtem aser Urban Station Committee ajanga kangasa pelar-a ta sangdonger.

Iba temeim tulu asoshi ali kibur tenung nung monolith ka yangluja 9th June 2017 anepdang 7:00 AM nung Chuchu Town EAC Mr Tokai V-I anir yimden yimsüsür aser Arogo nungi toklang tenzükter aser Deacon board tem lia Rev. Temjen Pastor, Chuchu Town Baptist Arogo ajanga iba tasen Cemetery jaka meshitetsü-a liasü.

Sd/-
Mr Zulutemba
Vice Chairman USC
Chuchuyimlang Town

Sd/-
Mr Imnatemu
Secretary USC
Chuchuyimlang Town



TIR YIMYIM

YIMOBILEM (EDITORIAL)

DIMAPUR TUESDAY, JUNE 13, 2017

Tenaronga marepzür

Na joko senso tain aser tajung ka, anungji election mapang yimsüsürtem shimba mapang naa külem sensosangertem den kasasa shilem agitettsü atema nü tenüng na alidak electoral roll nung tenüng alitsüla ta election office ajanga mapang mapang shia sangdonger. Aji oda, nisung ka asoshi alima nung temeten tulutibaji yimten nung yimsüsür shimtsüba tashi aser temeten agütsüba temetenji lir. Iba jagiang senso kaji nüchiso akaba senso ta züngshir. Ashi, sensosa asüyonga yimten nung yimsüsür shimba maparen nung shilem magidaktsüra, pa mesüra laji kilir mesüra alar den kasa asütsü. Ibayongji, küm shia sensosanger shirnok küm terti ser teka tain lir, parnok ajak dang pei tenüng electoral roll nung enoktsü ajungshir, saka asenok aikati tenaronga marepzür. Tanga Election Photo ID alirtem shirnok noksa black & white enoka lir, itemji color nung melentsü sangdonga lir saka aikati temulung magütsür. Ajisüaka, election arudangbo electoral roll nung tenüng malirtemanga election nung shilem agitsü jangratepa angutsü. Item jagi mesangwadangyongi candidate ki atongtsü aser proxy vote enoktsütsü asoshi sen meshitsü. Itemji vote agütsüba anogo nung pezüben pongobenkabo enoktsüogo ta nümadangdanga lokti nem tenüng tajung ka bener arutsü ama jembia angashitsü. Iba ama peisasa pei taküm akoksatsüsa aser pei kin aser lokti nem tenüngmenük bener arutsütsüsa inyakbaji, talisa, Dimapur aser temeket nung asenoki inyaker. Iba ama tamashi aser taaktsümetba mapatem inyakba ajanga asenok tesem aika nung meteta aser memeteti akoksadagi. Atangji, asenok Aortem balaka asenok Dimapur nung sensosa liaka asenoki pei tsürabur lima mamar aser meimer. Iba jagi asenok aika tenüng pei pei tsürabur yimtsüng electoral roll nung enoka alitsüa akok. Asenoki shitak ama bilema inyaker saka tatembang nung takoksa angutsüba mapaji aji lir. Asenok meimchirtem ya tekolok shisatsü tangatetba aienba dang masü saka taliba tesem dena tasen tasen yateta oa libalirua aoba telok ka lir. Iba jagiang yimjen nungi yimsen küma oa alir. Iba kasaji Chungliyimti nung alirtem tanübo Mokokchung district nung alirtem kümogo aser Mokokchung district nung alirtem aika Kohima aser Dimapur tashi tonga oagi alima tasen yateta yangji senso küma litepdagi. Atangji, tanübo joko Dimapura dena adena orr Aor yimtsüng aika kümteta aoba angutsü. Item ajakji Ao lima. Aji oda, asenoki tanü tashi Chungliyimti-jiang Ao lima ama bilemra mesüra Mokokchung district-jiang Ao lima amato bilemra, ibajibo asenoki asenoksasa alena ayu amai asütsü. Iba jagi asenok tejakleni moutettsü aser maintsü. Iba tangatetba nung Chungliyimti yimten nung shilem agitsübaji Chungliyimti purtem nem toktsüdi aser Mokokchung district nung yimten nung shilem agitsübaji Mokokchung district nung alirtem nem toktsütsüla. Aji oda, asenok alidakbo tazüng aser tagitsü ajak tangar nem toktsür asen malidakang talirtem den raktepa asenoki yimten nung shilem agira, iba jagi meputepang tali adoktsü. Atangji, pei tsürabur yimtsüngtem nem nütsüng yongsük aika melira aser vote aika melira election nung yimer madoktsü aser ano kenlirbo constituency dena maka akümtsüa akok ta asenoki bilema ochi o tiyazü na meyokteper asenoki inyaker. Ajisüaka, tanü lima yabo ochimeshinüyonga ochi ashitsüsa technology aser computer agi inyakba lima ka kümogo. Anungji, kechi mapa nung südir süaka tanü asenoki ochimashi inyakba mapatem ya asenok amajok nung belemer asütsü. Aji oda, tanü lima koma aiener ibaji meteta asenoki asenok temeten mezüngmeshi mesüi yimten aser lokti nung shilem shitak agitsü tim. Atangji, asenok rongnunga karbo makamaitba agi electoral roll nung tenüng ali mali memetet aser enokdi asüyonga ayazüka moutetter aser noksa agir temelen agütsütsüba jibo tamakoktsü ta asüba tia nung alitsü. Item jagi pei alidak pei yimten aser lokti lenirtem ajurua teyari meshira, parnoki mulungsua yaritsü. Tanü asen lima nung "Clean Election" indang kanga süoki ia jembiba mapang senso shiai pei tenüng pei alidak electoral roll nung alitsü aser pei vote peisasa pei mulungba candidate nem enoktsütsü mulungtettsüla. Iba jagi kodang inyaktetdir, ibaji Clean Election asütsü.

OLEMSABANG

'Kütsü Sarasadem' ken nung tai aliba medongshidi Correction of unaware, unforeseen, unrealized errors

- Tsüknung Penzü, Dimapur

(Taoba adok nungi...)

6 Kü ocet nungittsü ken asem agütsür

Aor ki tejen yanglushidang (repairing asüidang) ki tashi itta, nungita akangtsü atema longmi yokji (slanting post) kisa (side) anatsülen kar yoker. Aji mesüka kü ocet ken nungittsü asoshi ken asem agütsür. Item ken kaka shia nungji mapijemba, merajemba tai kaka ni medongshitsüba, kü suggestion translation agütsüogo.

Ken No. 27, Kümtetba Azü Ayim no ?

Alas ! and did my Saviour bleed ?
S.630, BH.244, CSS.267, Bap.H.113, HSZ.63
Stanza 3 buba

English

3. *Well might the sun in darkness hide, / And shut his glories in ;
when Christ the mighty maker died, / For man, the creature's sin.*

AOKK No. 27

3. Asen meimchir menen yong,
Kümtetba asüidang,
Anü sangwa anenatok,
Ya tim dang liasü.

Kü suggestion translation : Ao

3. Teyanglur Khrista asüidang,
Anü sangwa anen ;
Anü tammang nung atsükok,
Meimchir menen yong.

Onenlepten (Commentary)

Yisu kangki nung asüidang anüngdang teroto nung anü samaa mangatok, (12 Noon to 3 PM, Mathi 27 : 45). Ya solar eclipse-a masü. Alima kin ajaki ya tesüngmangtsü sayatena tatalokba ta züngshir. (Miraculous, super-natural event).

N.B. : Saka tang AOKK nung, "Ya tim dang liasü", ta meyipzüka lir. Iba tetezü yabo oda Ao kin-ibo ibai "tesüngmangtsü kecha mali, ya sayatena masü, oda majimeno tatalokba, (ordinary event) ka dang" ta Aor-i ashir ana. Aor-i 'sayatena' ta asübaji magizüker, recognize masür' amai sayur.

Kü suggestion translation jiang tajungba südisü ta sayur.

Ken No. 213. Oh Kü Kümtetba

O my Redeemer. S.1170
(AOKK tenüng : Na koda tembar tajung
What a friend Thou art to me)
Stanza 2 buba

English

2. When in their beauty / Stars unveil their silver light,
Then o my Saviour, / Give me songs at night,
Songs of yonder mansions, / Where the dear ones, gone before,
Sing thy praise for ever, / On that peaceful shore.

Ao

AOKK No. 213

2. Kodang petinu sentsüpranqa adokdir
Idangji Kibur, tzüküm külenji ;
Ne nüngsang ken tajung, asüri atenba ken;
Kotak ken tajungji; kü dang sayuang.


Kü suggestion translation (Ao)

Sangruyim nung (in rhyming method)

2. Kodang petinu Sentsüpranga adokdir.
Idangji Kibur, Tzüküm külenji,
Kü temeimba tem, Temalen asürtemi.
Ne nüngsang kentenba; Kü dang sayuang.


(Taruba adok nungi...)

**Iba Olemsabang nung lemsaba ken-o aser shisatsü ya iba ocet zülur-i
bilemba ken-o ama tazünger-i angateta agitsü mepishir**



ABAM Mission Arunachal nung lanurtem ajak agi 25 arua Youth Oasis Centre nung June 8-11 tashi "Youth in making" onük nung ajemdaker sentong tulu takok ngua tembangogo. Iba sentong ya 2015 nungi 2017 kum asem tashi Padumpukhuri Ao Arogo ajanga sponsor sua agia aruogo. Kum asem tsungda nung Nokte lanurtem ajak agi 85 nem iba training agütsüogo. Iba sentong nung o jembirji Mr. Moatemjen Lkr, Founder Director, Life is Beautiful Ministry aser Mr. Moatemjen Jamir, Administrator, Nehemiah India na liasü. Limapur kibong nungi asangur ana iba sentong nung arua aden aser tenaprong Tsüngrem tanelai semdanga Khristaji kü kibur ta agizüka Deobar anepdang Mr. Tiayanger, Pastor ABAP ajanga baptitsüogo. Padumpukhuri Ao arogo ajanga ABAM Nokte mission nung kum asem tashi lanurtem atema sentong tajung renema katsüba ajanga Nokte lanurtem nungi tarutsü Arogo, mungdang aser nüburtem anitsü lenir tajung aika adokdaksüogo ta Rev. Asenba Imsong, Field Director ajanga arogopur ajak dang pelaba lemsateper ta sangdong ka nung ashi.

James Dobson nem 'Winston Churchill Lifetime Achievement Award' agütsü



conservative movement atema inyakba mapatem ajiteta pa nem Winston Churchill Lifetime Achievement Award agütsü.

Taoba mapang Phyllis Schlafly, Beverly LaHaye aser Pat Robertson nung nem iba sempet agüja liasü.

"Iba sempet anguba atema kanga pelar. Ni sempet aketba nisung aika den, kum aika kibong reju atema inyakba arur. Iba sempet ya ozü ministry kum 40 tashi inyakba arudang yariteper aser parnok kibongtem ajak tenüng nung agizüker" ta Dr. James-i ashi.

Maneni pa aser kinungsü Shirley nati kibong dak sendakba onüktem atema inyaktsü, ta paisa ashi.

"Onoki tang inyakba wadang ya kum aika inyakyonga aotsü aser tarutsü pututem atema temoatsü ka asütsü imlar" ta Dr. James-isa metetdaksü.

Faith & Freedom Coalition Chairman, Ralph Reed-i Dr. James Dobson nem sempetji agütsü aser pai ashiba agi, Dr.

James-i kum aika America nung evangelical conservative movement atema tongti mapa inyaka arur.


US Vice President Mike Pence-ia Dr. James nem tenüngsang agütsü.

President Donald Trump-i nenok atema meranga inyakdar aser iba linük tashi itdaksüba tangatetba aser tesayubatem atema pai maneni raratsü, ta Pence-i ashi.

"Dr. James Dobson ji kü tesayur ka lir. Nai nü taküm piyong tamang aser nüjiso atema inyakba arur. Iba mapa tajung atema linük ajungai nü dang pela. Nai nisung million aika taküm nung temelenshi adokdaksüogo" ta Pence-i ashi.

Trump-ia Dr. James den jelia salem osang metetdaksü aser pai inyakba aruba mapatemji tesüngmangtsüka lir, ta ashi.

"American Life nung kibongji tamendakdak lir aser nenoki kibong kumzüka ayutsü mapa inyakba atema tenüngsang agütsü" ta Trump-i ashi.



June 5-11, 2017 tashi Khensa Baptist Arogo Women Ministry-i ayongzüka Detox Camp-3 Omen "Kibuba Onok Asentenshijang" nung ajemdaker agidang tangokba noksa ka angur. Iba sentong nung tongti O jembirji Rev. Kilang Jamir liasü aser Mr. Chujang Mangmetong, Mr. Neken Longmisa, Mr Sunep Warumong, Mrs. Narola Yimjenkimong, Mrs Tsuktila Chuchuyimpang nungertemi yariteper. Detox camp nung adener tebur- 72, kinungsütem- 49 ajak agi 121 aden. Iba sentong takok nung tembangdaksüba asoshi teyanglur Tsüngrem aser Khensa Senso ajaki rongsen, tamang sarasadem, shisatsü aser nebu agi yariteperba asoshi ajak dang pelar ta sangdong ka nung ashi.

ANOGO ABEN TSÜNGREM DEN

MANGYIMBA TSÜNGSANGBA AGI MELENTSÜBA TSÜNGREM

'Nai kü mangyimba tsüngsangba agi melentsüogo, nai kü tejashi ajak bener ogo aser ni tepela agi süngtsüogo. Anungji, ni ola madoki malitsü. Ni nü nüngsang ken atentsü; Oh Kibuba, kü Tsüngrem, tatem makai ni na asangtsü.' - T. ken 30:11-12

Laishiba nung ibai ni asoshi temeimba tenangzükbatem lir. Asen Tsüngremji mangyimba tsüngsangba melentsüba Tsüngrem. Asen tejashi ajak tepela agi süngtsüba Tsüngrem. Agüja aliba tekong nung reprangang- mangyim anendaksür samatsüba masü saka tepela agi melenshitsu. Nü tamakoktetem agi iba jagi takok yanglutsür! Aseni tenzüka Tsüngrem ya tesüngangtsü tulu Tsüngrem shibai ashir, "Aser Tsüngrem meimertem shirnok pai mulungba ama ja-a lir, parnok tsüngdang mapa tajung ajak külemi tajung asoshi inyakteper ta asenoki metet."

Item tenangzüka nung mapang aghia alitsü merangdi. Hau! Tejashi, mangyim, tia tamajung, tezü atang aser tamakok ya asangsang lir, saka item ajakji Pa sentsüwangshi asoshi pa tetemsü mapang nung temeshiba asoshi melentsütsüba tazüng oset ka dang lir. Anungji Pa tesüngmangtsü tenangzüka metoktsü amangdi.

SARASADEM:

Kibuba, nü tenangzüka kobasa lir ibaji ataloktsü asoshi ni na nungi mepilatsü. Amen

Iraq nung Khristan tanur ka kum asem lir kumzükogo



Erbil nung aliba refugee camp ka nung Christina Ezzo Abadi-la tenu den kazüdang agia noks angur.

Erbil, June 12 (Agencies): Iraq nung Khristan tetsür tanur ka, arishi kum asem asüdang Islamic State kiralongrartemi pua bener ao saka Hokolbar la tanaben lar kibong den longjemogo.

"Kü taküm nung tepelatiba anogoji Christina meyipa aruba anogo lir" ta Honibarnü tetsü Aida Nuh-i ashi.

August 2014 nung IS kiralongrartemi Qaraqosh jila nung la kabo nungi Christina anizüker ao. Iba sülen nungi Aida kanga temulung shiranga aser shisabulua aru.

"Kiralongrartem den la kum asem tashi liasü. Lai tetsü, tebu aser kinungertem ajak amadoker liasü, saka lai bilemteta arutsü" ta Aida-isa osangbener dang ashi.

Islamic State-i tanur o tetsürtem dena nisung meyirjang aika pua lir aser parnok teimbaka Iraq nung telok tiliaba- Yazidi nungertem lir.

Iba mapang Qaraqosh toktsür jena moutetba Khristantem dang IS-i teinyaktsü ka agütsü. Ibaji parnok kumzüka ayutsü atema saru agütsütsü, Islam yimsü meyiptsü agizüktsü mesüra noklangnok agi asütsü. Ajsüüaka, kiralongrartemi

Christina Abada ama nisung karbo pua bener ao.

Qaraqosh toktsür maoba Khristan kibongtem August 22, 2014 nü IS kiralongrartemi tashiyim amshia odaktsü.

Kiralongrartem jagi minibus ka nungi Christina tetsü ket nungi ajepzüker. Aida-i kanga meranga nokdangtsü merang saka kiralongrartemi lar jala tashiyim agi ajebzüka bener ao.

Aida'er kibongi Arab medemertem teyari agia jala bushiyonga aru aser Hokolbarnü Christina ji Hayy al-Tanak nung lir ta osang sangoktsü. Iba tesemji Mosul nung sensakertem aliba kiyong ka lir aser idakji Christina liasü.

U.S-i teyari agüja Iraq sorkar sepaitemi kiralongrar ket nungi Mosul yimti meyipa agitsü atema ita 8 tashi rarayonga arur aser Tigris ayong anasa tesem tila ka dang kiralongrar ket nung lir.

"Onoki Hayy el-Tanak ta ser kiyong kati ao aser idakji ozü jala angu" ta Christina tebu osangbener dang ashi. Pa ya nükpoker ka lir.

"Ni kütsü aser kübo den lir" ta Christina-ia osangbener dang ashi.

Parnok tang Ankawa ta ser Kurdish yimtiba Erbil nung Khristantem jenoka alidak lir.

OLONG PAITEP # 4449

	1			2					3
4			5						
					6				
7							8		
9							10		11
12									
							13		
14									

TIPILEN

- 2. Asangur mapang - (7)
- 4. Mesükteper - (4)
- 6. Tsünpok - (6)
- 7. Ajidaktsü - (4)
- 8. Shiruru aputsü ayuba - (4)
- 9. Ya - (4)
- 10. Yangkhu - (4)
- 12. Alaktetta / Tesa - (6)
- 13. Lenmang aika - (4)
- 14. Aou nung chiyongtsü asenba - (7)

LANGTSÜNGLEN

- 1. Yimya liro / Inyaksangshi - (5)
- 3. Aji agi - (7)
- 5. Ajitet - (4)
- 6. Mesünem / Chirar - (7)
- 7. Nguyutep - (7)
- 10. Ki meketbangba - (4)
- 11. Balala aküm - (5)

OLONG PAITEP # 4448 TELANGZÜBA

TIPILEN :

- 1. Rebeka, 4. Adam, 6. Yohan,
- 9. Zü, 12. Sayutsünger, 15. Ku,
- 16. Naman, 17. Abel, 18. Samuel.

LANGTSÜNGLEN :

- 2. Kan, 3. In, 5. Anüng, 7. Amsü,
- 8. Yosef, 10. Sara, 11. Isak, 13. Yakob,
- 14. Nana, 16. Noa, 17. Am.

Olong Paitep ya inyang

A crossword puzzle with illustrations of a bow, a giraffe, a sun, and a baby. The puzzle has 6 numbered squares for clues.

TIPILEN

- 1. Asenok aliba lima
- 2. Wako
- 4. Temadok
- 6. Lokti senotsü ayuba kibur

LANGTSÜNGLEN

- 1. Sarasadem tatembang
- 3. Kinungbu süadoker
- 4. Tajangzük maka
- 5. Ishika dang

TANÜBO NAI LANGZÜANG

Q. India nunger saisaponger shiba 'World's highest paid atheltes' 2017 Forbes list nung aden?

[A] Virat Kohli [B] Sania Mirza [C] M S Dhoni [D] Leander Paes

===== (Taruba adok nung onoki langzüsü)

YASHI ADOK TELANGZÜBA : Sustainable Action for Transforming Human capital

Tepela Tasoba Anogo

Tanur asoba anogo nung salem osang den noksa angali adokdaksünura - Tenüng, Kim, School, Talidak & salem osang lejanga züur, noksa (photograph - any size) ka den anogo 3 mesüra 4 jela e-mail : tiryimim@gmail.com nung yokang mesüra Tir Yimim bureau tem nung agüang.

1. Tenüng :

2. Tasoba anogo:

3. Kim : 4. Class :

5. School :

6. Talidak :

7. Salem osang :

NAIA YA METETER MA

ALIMA NUNG NISUNG TIMTIBA ASÜBA KULI KAR

- * 2015 küm alima nung nisung million 56.4 asüba rongnungi nisung million 15 bo temelungjang tashidak aser stroke agi asü.
- * Kasa küm nungsa tepokpok tashidak balala (Chronic obstructive pulmonary) agi nisung million 3.2 asü.
- * Tepokpok cancer den trachea aser bronchus cancer agi nisung million 1.7 asü.
- * Diabetes agi nisung million 1.6 asü.
- * Lower respiratory infections agi nisung million 3.2 asü
- * Tebok aoba tashidak (diarrhea) agi million 1.4 asü.
- * HIV/AIDS tashidak agi nisung million 1.1 asü.
- * Gari lenmang nung lendong balala ajanga nisung million 1.3 asü.

(Source WHO)

SUDOKU # 3562

2								
		9						
7								
5								
1		7	8					
		8						
3	7							
4		8						

TELANGZÜBA # 3561

2	7	8	4	9	3	6	5	1
	6	1	4	8	5	7	3	2
		5	9	3	2	1	6	4
8	4	6		9	7	2	5	1
1	2	9	5	3	4	8	7	6
3	5	7	1	6	8	9	4	2
9	3	1	7	4	5	2	6	8
	2	8	4	9	4	6	2	3
8	1	7	9	5	6	2	9	1

OJANG LUTEP # 4057

- BOKING : □□□□□□
- GUNN : □□□□
- METRJUNTAI : □□□□□□□□□□
- NAMGNES : □□□□□□□
- ILR : □□□
- KASA : □□□□
- RAKZÜAOM : □□□□□□□□
- HTEUKR : □□□□□□
- REBEN : □□□□□
- RAUTSÜR : □□□□□□□

OJANG LUTEP TELANGZÜBA # 4056

DIMAPUR AMALA TATSÜK TALEM MAPANG SCHOOL TANURTEM SENZÜTSÜ KANGA TEBILEMSTÜ

Anü ita petinu ajanga alima nung tsüngsang mopung melenshidaksüba ama nisunger tia-a melenshidaksür ta anü ita petinu tetzürtemi ashir, parnoki ashibaji shidak asü tai'ar nai-a na asoba ita anogo den tanü nü tia medemdang (Horoscope):



Aries
21/3-19/4

Nai tangar indang khuret asoshi kanga shishia bilemstsü sudi. Saka tanü bo na asoshi dang bilemang aser anisüngzüka alitsü merangang.



Taurus
20/4-20/5

Nisung aikati nü sempet tajung ngua, na nungi teyari aginüa arutsü. Nü indang tangatetba melenshia sentong tasen kar yanglua inyaksü ajungtsü.



Gemini
21/5-20/6

Tanü nai nisung aika yaritsü maongka ajurutsü sudi. Nü sempet tajungtiba agi yaritsü merangang aser lokdi jembishinü nung shilem agiang.



Cancer
21/6-22/7

Nü taküm nung masü saka nür kinunger mesüra medemer indang taküm nung mangatetep kar nai ajurutsü sudi. Na temolung olura nü mapa nung takok angutsü



Leo
23/7-22/8

Nai tajungtiba nung tangar ajungshitsü asoshi renema alitsüla. Saka nü mapa nung temolung tali agütsüba tajungba asütsü. Nai inyakba yari na ajangzüksü.



Virgo
23/8-22/9

Shisa akar nisung kar den nai shisa lemsateptsüla. Tajangzük aliba jembishinü mesüra mapa tem menokdangi nai shilem agitsü merangba tajungtiba asütsü.



Libra
23/9-22/10

Tanü nisung aikadi nü teyari aginüa arutsü. Saka nai nungdakba nisung kar dang yaritsü merangang. Aser tangar inyakyim nung tapi agi teka maiba tajungba asütsü.



Scorpio
23/10-21/11

Tanü nisung aikadi nü den sensaksema mapang indoktsü jangratsü. Saka nai menungdakba o tem magizüksüla. Aser taremzükba shisatsü nai nungdaktsü sudi.



Sagittarius
22/11-21/12

Nisung aikati na akhüm tsübur aser nai-a parnok akhüm tsübuttsüla. Nai ajangshia aliba mapa nung ajemdaker tangar nem shisatsü agütsütsü merangang.



Capricorn
22/12-19/1

Tanü nü mera kanga kümdanga meraba ajanga na lendong aika nungi kümzüksü. Taremzük aliba aser shisa talangaba-i sempet tajungba nguteter ta nai metetang.



Aquarius
20/1-18/2

Tanü nai ken o aketba mapa nung shilem magitsüla. Tangar-i nü dak sempet tajung ajitetsüsa nai yimya tajung sayuang. Atasaba melie inyakba nung lendong lir.



Pisces
19/2-20/3

Tanü nai tangar inyakba nung tenük meyoktsüla aser yimjung yanglur ka ama alitsüla. Tesendaktep yanglutsü asoshi tangatetba tajung sayutsüla.

Selena Gomez-i TheWeeknd den meimteper



Los Angeles, June 12 (Agencies): Singer-actress Selena Gomez-i kentener The Weeknd den meimtepba osang yimjak nung metetdaksüogo.

Taküm January ita arishi küm 24 tain Selena aser The Weeknd na Santa Monica nung külemi anguba sülen tena

nüknarateper asütsü ta osang temai adoka jembitsü tenzük.

The Weeknd ta ajasang indang tenüng shitakbaji Abel Makkonen Tesfaye lir aser pa ya February 16, 1990 nung aso. Pa ya Canada nung singer, songwriter aser record producer ka lir.

On Air With Ryan Seacrest ta aser radio sentong nung o sensaksemang, Selena-i la meimtepba osang miimbanga mayutsü ta ashi.

"Ni mapang talangka miimshia aruogo, saka tangbo iba osang miimbanga mayutsü" ta laisa Ryan dang ashi.

"Miimshia ayutsü merangbaji ni atema kanga tasak. Ni pela dang linür aser iba jagi tangbo ni kecha miimbanga mayutsü" ta Selena-isa shisem.

"13 Reasons Why" ta ser TV sentong nung lanurtem soseta asüba indang ashishitep ken o atema laisa ashiba agi, "iba otsü ya rasa ashitsü kanga tasak. Iba sentong ya thriller ka lir, khenyongi balaka aser tetsübuttsüka lir."

Netflix nung sayuba "13 Reasons Why" nung Selena Gomez ya executive producer ka lir.


Katy Perry-i Taylor Swift dang tatok meshi

June 12, 2017: Nüngtugu kentener ana- Katy Perry-i tatemsüa Taylor Swift dang tatok meshiogo.

Arianna Huffington den interview agidang Perry-i tesüiba mapang atalokba amatoker la tsükchir, Taylor Swift dang tatok meshi.

The Thrive Global Podcast mapang Perry-i, "Ni amatoktsü renema lir. Ni la dang tai atoker aser ni aibelenba atema tatok meshir, aser kasaji laia inyaksü ta ni amanger. Alima nung tanga tebilemstsü aika lir," ta ashi.

Laisa, "Ni la meimer, aser la atema tajungtiba bilemstsür. La ya kenzülur tajung ka lir, aser tangatetba balala liaka künati tashi aliba tetsür ama inyaksü akok. Lai inyakba ajak nung ni aiaura makatsüa akok, aser ni inyakba ajak nung lai-a aiaura makatsüa akok, ajisüaka ni



temeim nung aser tangatetba nung tatok agütsütepner," ta ashi.

"Alima nung nisungtemi rangloker inyaksü aika lir, Tsüngremi la lenmang nung la moajang. Tsüngremi la moajang. Ochishia ashir," ta Perry-isa ashi.


Taküm May ita nunga Perry-

i, la Swift den yimjung yangluner, ta metetdaksa liasü.

"Ni mulunga lir, kechiyong kodang tetsür longjemdir, aliba nung taneptsü angutsü," ta lai ashi.

2014 küm kenten sentong nung backup dancers dak sendakba nung Perry o Swift na mangatetep adoka liasü.

Aishwarya Rai Bachchan-i Marathi film nung shilem aginür



Mumbai, June 12 (Agencies): Actress Aishwarya Rai Bachchan-i Marathi film ka nung shilem aginür ta metetdaksü.

Vikram Phadnis-i 'Hrudayantar' ta ser Marathi film mezüng yangluba indang music sayaba sentong nung Aishwarya-i iba osang lemsatep.

"Ni Marathi film nung shilem aginür. Public aser media tsüngdang kü dang iba tasüngdangba asüngdangba atema kanga pelar" ta osangbeneri asüngdangba ka langzüa Aishwarya-i iba osang metetdaksü.

Arishi küm 43 tain Aishwarya-i 1997 küm 'Iruvar' ta ser Tamil film ka nung shilem agia film industry nung mezüng tetsüng ajemok.

"Otsü tajung süra, ni film nung shilem agitsü jangrar aser telok den külemi shilem aginür" ta laisa ashi.

"Hrudayantar" film indang music ji Shah Rukh Khan-i sayatsü aser trailer ji Hrithik Roshan-i sayaja liasü.

Hrudayantar nung Subodh Bhave, Mukta Barve, Trushnika Shinde aser Nishtha Vaidya nungertemi shilem agir aser July 7, 2017 nü sayatsü.

TAN HOPTA ATEMA - KOMA SÜLA ?

Q. Center sorkari nashi maleptsü ozüng latetba ya magienra, Nagaland India kübok malitsü ta Nagaland nung aliba lokti tentetemi ola adok nunga koma süla ?

Olong 20 shi nung June 16, 2017 tashi nung iba telangzüba ya onok dangi e-mail - tiryimiyim@gmail.com mesüra SMS - 9856121232 / 9436072422 mesüra Tir Yimiyim Facebook account ajanga yokang. Telangzübatemji taruba Deobarnü adoktsütsü.

Pakistan nung kati Facebook nung Tsüngrem metsüboba atema tepuokdaki yok



Bahawalpur, June 12 (Agencies): Pakistan nung nisung kati Facebook nung Tsüngrem mezüngmeshiba ajanga kiralongrar anema obendangdak bangdak kati pa nem tasüba temerenshi obendang agütsü, ta osang ka ajanga ashi.

Arishi küm 30 tain, Taimoor Raza-i Facebook nung Prophet Muhammad mezüngmeshiba ajanga Pakistan kübok aliba Punjab province nung iba obendang ya agütsü aser iba obendang ya tang tashi nung iba ama aibelena alir nem agütsüba rongnung tesashitiba lir, ta osang ajanga ashi.

Taoba küm Islam indang onük nung Raza-i nisung ka den o intepa liasü, aser iba nisung ya kiralongrar anema rarar nisung ka liasü. Iba o intepa sülen Raza ya apu.

Pakistan indang Human Rights Commission ajanga ashiba agi, Raza ya Pakistan nung kin tilaba, Shia Muslim nung lir aser taoba küm parnok tsüngrem mezüngmeshiba ken o nung Raza densema nisung 15 pua liasü.

"Raza-i Facebook nung nisung ka den tamangba yimsü tsütsü o intepa liasü, aser iba nisung ya counter-terrorism department nung ketdangser ka tenüng agi Muhammad Usman liasü," ta Raza adianu, Waseem Abbas-i osangbener dang ashi.

Raza pusema jembitsür-i ashiba agi, Raza nem temerenshi agütsüba ya pai aibelena aliba nung sendaktepa maliba temerenshi ka lir.

"Mezüng bo iba ken o ya 'sectarian ground' nung liasü aser iba aibelen atema 298A nung aliba ama tamangba

yimsü nung tongtibang nisung anema o tamajung jembiba ajanga tepuokdak küm ana ayutsü lir," ta Raza pusema jembir, Fida Hussain Rana-i ashi.

"Iba sülen Raza ya Penal Code section 295C nung shia aliba ama Prophet Muhammad anema o tamajung jembiba nung aitsü," ta Rana-i shisem.

Tsüngrem anema o tamajung jembiba nungi kümzüksü asoshi Pakistan nung yimden ketdangser temi Twitter aser Facebook nung iba ama o zülutsütem indang osang tejangja parnok nem agütsütsü shia lir. Iba amala inyakyim metetra sorkar nem osang agütsütsü asoshi sorkar-i nüburtem nem text message ajanga osang prokshia lir.

Iba ama temerenshi agütsüba ya nisung kar ajanzüksü mechi inyaker, ta Pakistan nung Human Rights teloki ashir.

Iba obendang ya tanga court ajanga masü saka anti-terrorism court kati agütsüba ajanga national security aser tamangba yimsü tsüngda mangmangtepdaktsür, ta Pakistan nung Human Right Watch lawyer, Saroop Ijaz-i ashi.

Global Warming ajanga tzünglu tali arutsü: NASA

June 12, 2017 (Agencies): Asenok aliba lima tatsükba akümba ajanga tropical tesemtem nung tzünglu taliba arutsü, ta NASA ajanga bushisüngdang tasen ka nung ngutetba metetdaksü.

Bushisüngdang tasen koba osang kaket nung adokja liasü iba ajanga ashiba agi, global climate models temi tropic tesem nung mepet ajema akümba ajanga tzünglu aruba tendangba nung aibelentsü akok.

Alima nung tzünglu aruba ya mepet dak dang ajak keta mali saka alima "energy budget"- anü nungi tashi aluba aser alima nungi tatsük toguba daka keta lir, ta "Tightening of Tropical Ascent and High

Clouds Key to Precipitation Change in a Warmer Climate" nungja agütsür bushisüngdangba nung shia lir.

High-altitude tropical mepettemi atmosphere nung mopung tatsük sabanga ayur, saka tarutsü nung iba mepet ya ajema kümra tropical atmosphere temokongba akümtsü aser atmosphere temalen temokong tesem nung tzü nungi tangula tuguba idakji mokonga akümer, koba tzü kümadoker (condense). Iba ajanga mopung tatsük yoker aser atmosphere lema küm daksür.

"Iba bushisüngdang ajanga tarutsü nung tzünglu aruba yimya nung temelenshi tali tajungba takzütetsü," ta

Pasadena, California NASA Jet Propulsion Laboratory nungi Hui Su-i ashi.

Taoba küm 30 shi indang climate data tem iba kasa mapang nung amshiba climate model simulations 23 medemdangba nung bushisüngdangertemi ngutetba agi, climate models timbakati 'precipitation' tali akümba rate junga metakzütet.

Data asadangsüba atema NASA-i parnok indang spaceborne Clouds nungi thermal radiation tugubatem amshia asadanger aser Earth's Radiant Energy System (CERES) den külemi satellite instrument tem amshia asadanger.



New York, June 12: "Dear Evan Hansen" nung shilem agirtem parnok indang sempettem amer noksa tangokba yangi angur.

Sony WS623 Walkman Bluetooth earphone sayaogo



New Delhi, June 12 (Agencies): Sony India-i sen 8,990 jenjang Bluetooth wireless technology aliba "WS623 Walkman" sayaogo.

Iba oset nung ya IP65/68 rating lir aser tzü telung nunga mapa shidak inyakteter. Iba device ajanga tzü metre ana tarok nung minute 30 tashi mapa shidak inyaksü, ta company ajanga ashi.

Sony ajanga ashiba agi,

"WS623 Walkman" ya -5°C nungi 45°C tashi nung mapa shidak inyaksü aser tenem-i atudang amshitsü kanga tajung lir.

'Ambient Sound Mode' lapokba ajanga temeket nung adokba ola ajunga iba earphone telung nung aliba microphone ajanga bendener. Iba earphone ya Sony Centre aser electronic store nung June 15 nungi angutsü.

71buba Tony Awards 2017 sentong osang

June 12, 2017 (Agencies): 71buba annual Tony Awards nung "Hello, Dolly!" aser "Dear Evan Hansen" nati takok tajung nguogo.

"Dear Evan Hansen"-i best musical angu aser Ben Platt-i lead actor award angu. Bette Midler aser "Hello, Dolly!" nati lead actress aser best revival of a musical award ngua liasü.

Tanga award tulu akoker rongnung best play "Oslo" aser best revival of a play "August Wilson's Jitney"-i ngua liasü. Iba sentong ya Kevin Spacey lenisüba kübok Radio City Music Hall, New York nung aka aser CBS nung live sayu.

Iba award sentong nung takok angurtem yamai alitsü:

Best Play:

"Oslo"

Best Musical:

"Dear Evan Hansen"

Best Book of a Musical:

"Dear Evan Hansen" - Steven Levenson

Best Original Score:

"Dear Evan Hansen" - Music & Lyrics: Benj Pasek & Justin Paul

Best Revival of a Play:

"August Wilson's Jitney"

Best Revival of a Musical:

"Hello, Dolly!"

Best Performance by an Actor in a Leading Role in a Play:

Kevin Kline, "Present Laughter"

Best Performance by an Actress in a Leading Role in a Play:

Laurie Metcalf, "A Doll's House, Part 2"

Best Performance by an Actor in a Leading Role in a Musical:

Ben Platt, "Dear Evan Hansen"

Best Performance by an Actress in a Leading Role in

a Musical:

Bette Midler, "Hello, Dolly!"

Best Performance by an Actor in a Featured Role in a Play:

Michael Aronov, "Oslo"

Best Performance by an Actress in a Featured Role in a Play:

Cynthia Nixon, "Lillian Hellman's The Little Foxes"

Best Performance by an Actor in a Featured Role in a Musical:

Gavin Creel, "Hello, Dolly!"

Best Performance by an Actress in a Featured Role in a Musical:

Rachel Bay Jones, "Dear Evan Hansen"

Best Scenic Design of a Play:

Nigel Hook, "The Play That Goes Wrong"

Best Scenic Design of a Musical:

Mimi Lien, "Natasha, Pierre & The Great Comet of 1812"

Best Costume Design of a Musical:

Santo Loquasto, "Hello, Dolly!"

Best Lighting Design of a Play:

Christopher Akerlind, "Indecent"

Best Lighting Design of a Musical:

Bradley King, "Natasha, Pierre & The Great Comet of 1812"

Best Direction of a Play:

Rebecca Taichman, "Indecent"

Best Direction of a Musical:

Christopher Ashley, "Come From Away"

Best Choreography:

Andy Blankenbuehler, "Bandstand"

Best Orchestrations:

Alex Lacamoire, "Dear Evan Hansen"



Srinagar (Jammu & Kashmir), June 12, 2017: Hombarnü Srinagar nung Public Health Engineering department nung inyakertemi mapa regularize süjang ta takhangba agütsüba noksa nung angur.

Sorkari linük nung osangbenertem ola madokdaksür: Rahul

New Delhi, June 12 (Agencies): Centre nung BJP sorkar aitsüba olen ka nung Hombarnü Congress Party tatong Tir, Rahul Gandhi-i, "Tanübo India nung ochishiba tashiji tashiyim ochishi agi melenogo," ta ashi.

Tanü Bengaluru nung Jawarharlal Nehru-i tenzükba osangkaket, The National Herald indang sentong ka nung jembidang Rahul Gandhi-i, "Osangzülur nisung meyrjang

aika nem parnoki zülunüba osang zülutsü atema temelaba magütsür. Ni parnok ajuruogo, aser parnoki kü dang, 'sorkari ajak temang nembangtsür' ta shiogo. Ochi jembitsü merangertem amokmerener aser ola madokdaksür," ta ashi.

Congress tatong Tirisa, "National Herald-i ochi jembitsüla, Congress aitsünüra nenoki aitsünüba ama aitsütsü akok. Nenoki ni mesüra ozü

party indang langa shinüra nenoki ibaji sademsadema ashitsü akok. Ochi jembiang, ola madoki malitsüla. Yamaji linük jenjang nunga (BJP-i aniba Centre sorkar) inyakdaksüner," ta ashi.

Congress lenirisa National Herald osangbenertem aser lokti dang, nenok atema maangka aika lir, ta ashi.

"Ochi jembiang aser ochi jembitsü atema tsüba teli," ta paisa shia onük tembang.

Linük Tir candidate atema BJP-i committee ka tentet

New Delhi, June 12 (Agencies): Taruba ita, July 17 nü linük Tir election agitsü lia Hombarnü Bharatiya Janata Party (BJP)-i züngsem aseami akumba committee ka tentetogo, aser iba luden jagi opposition densema party tem den obang ka ser Tir shimtsü atema jembitsü.

Tanü New Delhi nung osangbenertem senden ka nung BJP Tir, Amit Shah-i, Union Home Minister, Rajnath Singh, Finance Minister Arun Jaitley aser Information & Broadcasting Union Minister, M Venkaiah Naidu nung nem iba mapa nungloktsüogo, ta metetdaksü.

"Tir election atema party balala nungi lenirtem den jembia telemetba ka agitsü asoshi iba committee nem tashi agütsüogo," ta BJP sangdong ka ajanga metetdaksü.

Tir election atema tenung agütsütsü asoshi tatemangbuba anogoji June 28 nü lir.

Tir Election July 17 nü agitsü. Tang teinyakdak Tir, Pranab Mukherjee kümsük July 24, 2017 nü tembanger.

Tang tashi nungbo BJP-i Tir candidate shima mali, saka Congress densema opposition party temibo candidate ka shimtsü atema senden aiben menogo.

Ajisüaka opposition party temi, parnoki BJP osang tama angadangsü, iba sülen ang telemetba agitsü, ta sangdonga lir.

Opposition party temi Tir candidate ji Linük Temzüng kümzüka yuteter ka asütsüla, ta shiogo. Iba oji ajanga parnoki secular party nungi ang shimtsü temaitsü sayur.

Opposition party tem June 14 nüa senden mena Tir aser

tatong Tir election atema o lemtepsü.

Iba election atema opposition party tem sabang ka nung longjemtsü asoshi Congress Tir, Sonia Gandhi-i ketdangsüa inyaka liasü.

Iba election atema o lemtepsü asoshi tan ita tetenzüklen Sonia Gandhi-i opposition party tem nungi züngsem 10-i akümba sub-group ka atentetogo.

Iba sub-group nung züngsemtemji- Congress nungi Ghulam Nabi Azad aser Mallikarjun Kharge na, JD(U) nungi Sharad Yadav, RJD nungi Lalu Prasad, CPI-M nungi Sitaram Yechury, TMC nungi Derek O'Brien, SP nungi Ram Gopal Yadav, BSP nungi Satish Chandra Mishra, DMK nungi R.S. Bharathi aser NCP nungi Praful Patel (NCP) nung lir.

United States semdangtsü atema US Tir Trump-i PM Modi jaoker

Delhi, June 12 (Agencies): "India-US linük tesendaktep US Tir, Donald Trump-i jaokba nung ajemdaker Ato kilonser, Narendra Modi-i June 25-26 anogotem nung US semdangtsü, aser June 26 nü pai US Tir den senden amentsü.

Tang mezüng lenir ana tsüngda senden amentsü.

Iba osang sangdonga US nung Indian Embassy-i twitter ajanga, Yaküm November ita nung Ato kilonser, Modi-i Trump US Tir shimba atema pa nem tenüngsang agüja liasü, aser pai (Modi), India-US tesendaktep tajungba akümtsü atema pa den külemi inyaksemtsü yongyaa atar ta lemsatepa liasü, ta metetdaksü.

Tamalen Modi-i twitter ajanga, "45buba US Tir atema shimba asoshi tenüngsang agütsür @realDonaldTrump," ta lemsatepa liasü.

Modi-isa twitter ajanga,

"India-US linük tesendaktep tajungba akümtsü atema onoki nü den külemi inyaksemtsü yongyaa atar. Nai nüboyimba mapang India den tembar asütsü sangdongba asoshi pelar @realDonaldTrump," ta lemsatepa liasü.

Ibaji langzua Trump-ia Modi dang US semdangtsü asüngdanga liasü.

Washington nungi sangdong ka ajanga, "Alima nung tayongzükba balala anema raratsü asoshi Trump-i India ji tembar ka aser partner ka ama züngshir," ta metetdaksü.

US sangdong nungsa, Trump aser Modi nati alima nung kiralongra anema raratsü asoshi bangjemogo, ta metetdaksü.

Yaküm US Tir election nung Trump-i Hillary Clinton madak takok ngua US nung 45buba Tir aküm.

Osangbenertemi sadema inyaktsü nungdaker: Md Hamid Ansari



Bengaluru, June 12, 2017: Hombarnü Bengaluru nung Karnataka Angh, Vajubhai Rudabhai Vala-i linük tatong Tir, MHamid Ansari meinoktsüba noksa nung angur. Tanü pa National Herald sentong ka nung adentsü atema Bengaluru-i arua liasü.

Bengaluru, June 12 (Agencies): India nung nuchiso atema raradang osangbenertemi shilem agiba bilemteta tanü linük tatong Tir, Hamid Ansari-i, democracy lima ka nung osangbenertem sadoka inyaktsü nungdaker, ta metetdaksü.

Paisa, shisaliok aser nüburtem ajungshiba nung osangbenertemi tongtibang shilem agir, ta metetdaksü.

Tanü Bengaluru nung National Herald commemorative edition sayatsüba sülen okila jembidang Ansari-i, National Herald-i India nung mezüngbuba Ato kilonser, Pandit Jawarharlal Nehru-i inyakba ama inyaktsü imlar, ta ashi. Iba sentong nung Congress lenir, Rahul Gandhi-a dena liasü.

Paisa, National Herald ya Nehru yimobilem zülur ser 1938 küm Lucknow nung tenzük, aser

iba osangkaket ya nüchiso bushiba nung ola ka aküm, ta metetdaksü.

"India nung nüchiso bushiba putiotsü nung India nung osangbenertem kanga sendaktepa lir. Parnokji osang agütsürtem dang masü saka lokti atema inyakertem aser nüchiso atema rarartem liasü. Parnoki linük nungi bendanger yimsüsüba agiennüba dang masü saka lokti temenentem, caste telemsa, tamangba lokti tsüngda rara aser bendangshidanga tim mesü inyakba mapatema agiennüa liasü," ta tatong Tirisa metetdaksü.

"1885 küm Congress tenteter züngsem aika osangbenertem liasü. Press ya linük asüngsashiba hadir ka aküm. Iba ya linük yimtenren nung nüburtem nem shilem agidaksüba sabang ka aküm," ta paisa metetdaksü.



Hyderabad, June 12, 2017: Hombarnü Hyderabad nung YSR state Congress party Tir, Y S Jagan Mohan Reddy-i nungtugu Telugu sangro zülur aser Jnanpith award angusang, C Narayan Reddy tasü mang tsüngdang asür nem akhüm agütsüba noksa nung angur.

Panama Papers ken o nung Nawaz Sharif-i June 15 nung kuli agütsütsü



Islamabad, June 12 (Agencies): Panama Paper temai adokba ken o nung ajemdaker Pakistan Ato Kelonser, Nawaz Sharif-i June 15 nung Joint Investigation Team (JIT) matsüngdang kuli agütsütsü. JIT ajanga Panamagate indang ken o bushisüngdang aser iba ama telok tsüngdang linük ka nungi tang teinyakdak tekolakba nokdaka tezüngzüktep kuli agütsüba ya Pakistan Ato

Sharif-i temolung lema aliba nisungtem den Lahore nung ajuruteb. Pa yarir den iba ken o jembiba sülen JIT akhum tsüba parnok matsüngdang Brehostibarnü oa nokdaksü lemtet, ta osang ajanga ashi.

Panama Paper ken o nung Sharif'er kibongi senotsü meshidaki amshiba tai donglokja lir. Aser iba ken o nung ajemdaker Sharif'er kibong indang kiojen London nung aliba indang senotsü amshiba bushisüngdangtsü asoshi Supreme Court-i May 5 nung nisung trok-i akümba Joint Investigation Team shimtet aser iba telok ajanga Sharif'er jabaso Hussain aser Hasan-na dang taoba ita asüngdangya süogo.

Sharif'er jabaso tambusang, Hussain dang ponguben asüngdangya süogo aser tanubusang, Hasan anaben jaoka asüngdangya süogo.

Mapang mapuzüksüra, JIT ajanga iba bushisüngdangba ken o anogo 60 tashi nung tembangtsü lir.

DR Congo jail amakba nung nisung 11 asü, 900 ajen

DR Congo, June 12 (Agencies): Mejangjaba nisung kar-i DR Congo nung aliba tepuokdak amakdang nisung 11 taküm sama aser tepuokdak alir nisung 900 jena ao, ta ketdangser osang ajanga ashi.

"Beni nung aliba Kangwayi tepuokdak ya nikongdang 3:30 ako (1330 GMT) meta mejangjaba nisungi amak," ta North Kivu province indang angh, Julien Paluku-i osangbener dang ashi.

"Mitkar aser iba lendong agütsü tsüngda injang agi khatepba mapang mitkar nisung 8 densema parnok nisung 11 asü. Iba tepuokdak nisung 966 puoka aliba nungi nisung 30 dang anünga lir," ta Paluku-i shisem.

"Beni tesem aser iba anasa aliba Butembo jila nung nikongdang 6:30 ako nungi curfew ozüng agütsüogo. Iba mapang police ketdangser aser mitkartem dang tema nung adoka senzütsü melar," ta Angh-isa shisem.

North Kivu province nung aliba Beni tesem nung 2014 küm nungi maneni azü dokshia arudagi aser iba mapang nübur 700 jungnüa tepsetogo.

Item nisung tepsetba ya sorkar anema rarar telok, Allied Democratic Force (ADF)

ajanga lir, ta aitsür. Iba telok ya Uganda Muslim temi anishir aser par telok indang nukjitung ya Uganda tir, Yoweri Museveni menden nungi aludaktsütsü meranger.

Kangwayi jail nung ADF züngsem südi ta temolung malemer aika yua lir.

ADF teloki Democratic Republic of Congo indang yimtiba, Kinshasa nung aliba police station ka aser sorkar tenüng nung obendang agütsür office ka maker anogo ka lir iba lendong ya adalok. Taoba hopta asem tsüngta kasa teloki lendong agütsüba mapang police nung tanishir ka tepset aser pezü kanga mejungi yirutsü.

Africa tiyongtsü nung aliba linük nung taoba ita jail ana raksatsüba lendong adalokba sülen iba kasa lendong ya adalok.

Kinshasa nungi kilometre 40 orr aliba Kasangulu tesem nung aliba tepuokdak ka nungi May 19 nung tepuokdak alir nisung 10 dak tali ajen.

Anogo ana jakdang, Bundu Dia Kongo (BDK) nungi Kinshasa ketdangser anema rarar temi Kinshasa indang tepuokdak tesem tulutiba amak, aser iba mapang par telok indang lenir densema nisung 50 jena ao.

**GOVERNMENT OF NAGALAND
DIRECTORATE OF TECHNICAL EDUCATION
NAGALAND : KOHIMA**

Dated, Kohima the **th** June, 2017.

NOTIFICATION

NO. DTE/ESTT-2/3/2016-17: In pursuance of this office Notification of even number dated 10th March, '2017, the following candidates are hereby provisionally selected for under going 3 year Diploma courses outside the state during 2017-18 session as given below. All the selected candidates are also directed to submit their acceptance or refusal letter to the office of the undersigned on or before 27th June '2017. Non - submission of acceptance letter will be treated as refusal of the seat offered.

Sl.No.	NAME OF CANDIDATE	PERCENTAGE	Sl.No.	NAME OF CANDIDATE	PERCENTAGE
A - DIPLOMA IN PHARAMACY:-					
1	MS. LONGRILA SANGTAM	70%	1	MS. LAHJONG KONYAK	71.20%
2	MS. LICHUMLO EZUNG	60.30%	2	MR. ZHIMOKA ZHIMO	66%
3	MS. ASHELOK SANGTAM	58.60%	I - PHOTOGRAPHY:-		
B - HOTEL MANAGEMENT & CATERING TECHNOLOGY:-					
1	MS. ASINLE KHING	51.60%	1	MR. KEYIPUNGCHUBO NEIME	67.50%
C - ELECTRICAL ENGG:-					
1	MS. RUOKUOVO-Ü AUGUSTINA ZUMVÜ	88.50%	G - ELECTRONICS & COMMUNICATION:-		
2	MR. MANKAP	74.50%	1	MR. BUMO TAKUM	64%
D - ELECTRICAL & ELECTRONICS:-					
1	MR. TINUNUKSHI SANGLIR	80.50%	2	MR. PERAMTHUNGLUNG	63.50%
2	MR. SAMATOSHI IMCHEN	59%	3	MS. VEZHELU KHAMO	57%
3	MR. PHATI JEMU	52.50%	4	MR. IMTIBONG	52.50%
4	MR. ANAMOALONGKUMER	51.50%	K - MECHANICAL ENGG:-		
E - PRINTING TECHNOLOGY:-					
1	MR. LORHEVI JAMES RICHA	79%	1	MR. AVEYO KEZO	60%
2	MR. H KUMCHAT	58.50%	L - MINING ENGG:-		
F - COMP. AIDED COSTUME DESIGN & DRESS MAKING					
1	MS. RENBONO M KIKON	76%	1	MR. MARTIN V HUMTSOE	59.50%
2	MS. MENENO ZUTSO	45.50%	M - HERBAL TECHNOLOGY:-		
G - AUTOMOBILE ENGG:-					
1	MR. MENANG NOBA	74.50%	1	MS. BANUO KHATSO	58.50%
2	MR. MÜLÜSÜ VASA	62%	N - GARMENT & FASHION TECHNOLOGY:-		
3	MR. VEMÜSHOZO TETSE-O	52%	1	MS. MEJAKHENO YANO	58%
4	MR. UNÜZO GEORGE NAKHRO	50.50%	O - ARCHITECTURE ASSISTANTSHIP:-		
5	MR. ANEIZO ÜSOU	48%	1	MS. SENCHUYA TEP	56%
6	MR. EKONTHUNG LOTH	47.50%	2	MS. IMLISANGLA MOLIER	51.50%
7	MONGAM L PHOM	41%	P - ELECTRONICS & TELECOMMUNICATION:-		
Q - TRAVEL & TOURISM MANAGEMENT:-					
1	MS. ALINO K ZHIMO	52%			

(ER. ARJUN SINGH)
DIRECTOR.

Issued by: DIPR



Stockholm, June 12 : Stockholm nung Foreign Ministry indang office kima Sweden Foreign Minister, Margot Wallstorm (achichi) aser Myanmar State Counsellor, Aung San Suu Kyi-na 2017, June 12 anogo ajurutepba mapang tangokba noksa nung angur.

**Government of India
MINISTRY OF ROAD TRANSPORT & HIGHWAYS**

SANGDONGER

National Highways mapatem PWD (NH Works), Nagaland ajanga tsünglanglen agüja alibatem ya inyaksü atema Ministry of Road Transport & Highways (MORT&H), Govt. of India-i Bids meshir :

Sl. No.	NH No.	State	Project Stretch	Project Length (km)/ Project Cost (Cr)	Assignment period (months)
1	39	Nagaland	Consultancy service for Authority's Engineer for supervision of Strengthening and widening to two lane with paved shoulder of NH-61 from Km 40.00 to Km 72.40 under EPC mode in the state of Nagaland during 2016-17 (2 nd Call).	32.40 / 239.62	36 months Construction period + 48 months maintenance period

Temetetsü :
1. BID document ajak Ministry aser INFRACON e-procurement portal nungi 08.06.2017 nungi 28.06.2017 (1700 hrs IST) tashi nung agizükettsü. Bids-ji online nung Ministry's e-procurement portal aser INFRACON nung 29.06.2017 (1200 hrs IST) tashi nung agütsütsü. Online ajanga agizükba bids-ji 30.06.2017 (1400 hrs IST) nung lapoktsü.
2. Tang lenmang ajanga agütsüba Bids magizüksü. Ajisüaka, Bid Security, document fee, Power of Attorney, joint bidding agreement amala aser Letter of Invitation to Consultants (Section-II of RFP) clause 4.1 nung nungdaka shia aliba ama original bid document amalatembo bidders-i 30.06.2017 (1300 hrs IST) tashi nung Regional Officer, Ministry of Road Transport & Highways, House No.7, Rajgarh Road, Chandmari, Guwahati - 781 003 nung tonga oa agütsütsü. Kecha kuli magütsü BIDS agizüksü aser magizüksübjaji Authority dak tashi alitsü ta metettsü.
3. Corrigendum/addendum kar danga lira, itemji tekalen agüja aliba website nung agütsütsü.
Ano langka danga metetnura aser jangjanura, bidders-i Ministry official website "www.eprocure.gov.in" aser INFRACON (www.infracon.nic.in) nung reprangtsü akok aser ano tsünglanglen agüja aliba Authority den office mapang nung tongteprateptsü akok.
Regional Officer, MORT&H, House No: 7, Rajgarh Road, Chandmari, Guwahati - 781003, E-mail: roghy2015@gmail.com
Anirban Acharyya Assistant Executive Engineer For Regional Officer, MORT&H Chandmari, Guwahati - 3


Mkg nung grade III & IV staff pur service jangjashitsü

Mokokchung, June 12 (TYO): 17th May, 2017 anogo osang kaket balala nung adoktsüba ama, Grade III aser IV staff-tem Medical Examination for Confirmation of Service maparen June 15 & 16, 2017 nü alitsü, ta Mokokchung Chief Medical Officer, Dr. S.S Akaba Longchar-i sangdong ka nung metetdaksüogo.

Iba maparen inyakdang nisungtem menungtepi sademsadema inyaktsü asoshi iba amai anogo lemsar agitsü; 15th June, 2017 nü; E.E PWD R&B Mokokchung, E.E Electrical Division Mokokchung, Co-operative Societies Mokokchung, Food & Civil Supplies Mokokchung, Home Guard & Civil Defence Mokokchung, D.I.C Mokokchung aser R.D Block Mokokchung nungertem alitsü.

16th June, 2017 nüji; Education Department Mokokchung, State Agricultural Research Station (SARS) Mokokchung, Nagaland State Transport Mokokchung aser Medical Department Mokokchung nungertem alitsü, ta kasa sangdong nungsa metetdaksü.

MULUNG ACHI O



ASO : 20/05/1922

ASÜ : 31/05/20117

Asür Takuangba Akhoya

Onoki teti meima aser akhümtsüba aliba kibong nung tebuti taküm, Tsüngremi arishi küm talangka moaja lia arur külen kodanga meshilangtsüba Kibuba kidangi ogo. Pa shirang yipten nung alidang aser asüba mapang temeimer kwikati ozü dak malangba rongsen, nübu, shisatsü aser tamang sarasadem agi yaria aruogo, kangasa pelaba nenok ajak dangi iba osang ajanga sangdonger, nenok temeim mapatem onoki kodanga mamatsü. Tsüngremi nenok ajak moajangma.

Temeim Kinungtsü, Chirnur, Semchirtem aser Kinungertem

OFFICE OF THE LONGJANG JAMIR KIDONG TELONGJEM DIMAPUR TENÜNGSANG ASER TETUSHI AGÜTSÜR

Wabong A.Mar Jamir s/o Rev. Ayutemjen Jamir aser Lt. Nukshichila Aier tena jabaso **NAP** nung Deputy Commandant jenjang tongtetba asoshi yimer aser talisa Jamir kidong nem konang nüngsang bener arutsüba asoshi tenüngsang aser tetushi tulu agütsür. Ano nübur tenzükba mapa nung nü taküm Tsüngremi maneni len aniang ta kidongi sarasademtsür.

Sd/- **P.SUPONG JAMIR**
President

Sd/- **IMTA JAMIR**
Secretary

ALI AJUNGBENA AYOKER


1 Pura/4 biga

Old and New Showba tsünga

Contact : 9402845281 / 9436604385

PELABA LEMSATEPER

Onoki teti meima aliba asür **S.Imtachenba Ao (Khar)** mapang talangka shiranga alidang aser 3rd June '2017 anogo nung iba lima nungi pila- a orr onok mangyim jashi nung alidang kija, kibong, arogo, lokti tentet balala, kidang-kiyonger aser temeim tembartem shirnokisa onok dang meima nubu, rongsen, shisatsü aser sarasadem agi yariogo, nenok ajak dang pelaba iba sangdong kaket ajanga lemsateper. Tsüngremi nenok ajak moajang ta ozü sarasadem.



Temeim kinungtsü, chirnur, semchirtem aser kinungertem.

OFFICE OF THE MEJENSANGER PUTU MENDEN WAMEKEN

B.P.O. WAMEKEN S-1014

P.O. TULI-798618, DIST.MOKOKCHUNG : NAGALAND

TETUSHI AGÜTSÜR

Wameken tsür rongnungi mezünga súa Wt. S.Arenla, Senso tajung Wb. John Jamir jala Tzüdikong town nungi Nagaland University küpok Botany Dept. nung Topic :- Studies on Ectomycorrhizal application in Reforestation Practices: A case Study in Zunheboto District, Nagaland dak ajemdaker Ph.D Degree ngutetogo.



Iba takok asoshi Senso ajak tenüng nung ozü Putu Menden ajanga pelaba lemsateper aser

La nem tetushi agütsür. Tarutsü anogotem nung La taküm sensosanger asoshi akümdong tajung ka kümdakjang ta moatsür.

Sd/- **(I.WATI JAMIR) Tatar**
Chairman
Village Council

Sd/- **(BEN MOA)**
Secretary
Village Council

Asür Y. Amenla kibuba kidangi orr küm ka ajungba bilemteter (13.6.2017)



Ita anogo aser küm süitema oaka onok mulong nung kodanga mamatetba asür Y. Amenla nai onok toktsür orr tanü küm ka ajunger, saka onok mulongjang nung na teti lir. Nai onok toktsür aoba anogo bilemteter Kibuba tenüngsanga onoki na bilemteter aser nü temeim onok madak teti lir ta tangatetba arudang onok mulong anisüngzüker.

Ni asoshi taküm alibaji Khrista aser tasübaji tajangzük.

~ Temeim kinungbu aser kinünger

NATIONAL CENTRE OF ORGANIC FARMING

19, Hapur Road, Near CBI Academy, Ghaziabad-201002 (UP)

Tel. 0120-2764212 Fax 0120-2764901

Web.: ncof.dacnet.nic.in; e-mail: nbdo@nic.in

“CERTIFICATE COURSE ON ORGANIC FARMING” AGTSU ATEMA APPLICATION MESHIR

F.No.6(3)/2016/NCOF

Organic yimya nung aluyimba nung mezünga pur asütsüsa extension worker aser field worker tentetsü, yimtsüngtem nung organic management inyakyim, talisa cropping system management, nutrient management aser plant protection etc, maparen nung tesayur adokdaksütsü atema temsüa alir aser tejangrar candidate-tem nungi anogo 30 asoshi residential **Certificate Course on Organic Farming** agitsü atema application meshir. Iba sentong ya Ghaziabad nung iba centre ajanga ayongzüka agitsü. Iba sentong nung course shia nisung 30 agidaksütsü asoshi tebilemba lir. Tsünglanglen agüja aliba amai agitsü :

1. Course I : 27.06.2017 nungi 26.07.2017 tashi.
2. Course II : 01.08.2017 nungi 30.08. 2017 tashi
3. Course III : 01.01.2018 nungi 30.01.2018 tashi.

Iba Sentong nung Adentsü Akokertem : Iba course ya yimtaklir agriculture / Science nung Biology dena agir Degree/ Diploma alirtem, SAUs/ Educational institute purtemi parnok undergraduates kaketshirtema yoktsü akok.

Koba Apply asütsü : A-4 size paper (prescribed format) nung application jungjunga ajentsü aser yangji koba course aginür ibaji tejangja zülur Bio-Data tejangja den passport size noksa Bio-data nung maloker, Educational Qualifications (Degree/Diploma) ajak photo copy yanglur enoktsü aser ibaji course agitsü anogo 15 tejangja lia Director, National Centre of Organic Farming, 19, Hapur Road, Near CBI Academy, Ghaziabad - 201002 (UP) ket atongtsüla. Application-ji tonga oa agütsütsüa akok mesüra tang tezüngdak purtem atema pei institution ajanga agütsütsü akok, **ajisüaka sign asüba, scanned copy application ji emai id nbdc@nic.in dangi subject line nung " Application for Certificate Course nungi Tashi."** ta zülur yoktsüla.

NCOF, Ghaziabad nung shilem agia amongba mapang tanendak aser chiyongba ajak center yagi agütsütsü, ajisüaka iba course agiba atema **TA/ DA MAGUTSUTETTSÜ.** Iba sentong nung adentsü asoshi tama arur tama shimtsü aser nungdakra iba sentong mesüra inyakyim melenshitsü / thitemtsü mesüra magitsübaji Director, NCOF dak tashi alitsü.

davp 01143/11/0008/1718.

(DIRECTOR)

PELABA SANGDONGER

Merangkong Baptist Church Youth Department Centenary (2020) nüngtem nung "Yimtsung Terenlok" asoshi yim telong nung kilentzü yanglutsu asoshi Merangkong Senso Drivers' Union-i sen teyari (Rs.50,000/-) agütsüba den külemi kiyong balala nung kiyongertemi nephu tenla-a mapa inyakba noksa nung angur.



Iba mapa tajung asoshi Merangkong Baptist Church Youth Department Centenary Planning Committee-i kanga pelaba metetdaksur.

Tsüngremi tenlar ajak moajangma.

Sd/- **N.Temjen Jamir**
Convenor, MBCYDCPC

Sd/- **Noklencyanger**
Secretary, MBCYDCPC

West Indies den asaya matem tashi Anil Kumble coach asütsü: CoA



Anil Kumble

Mumbai, June 12 (Agencies): Anil Kumble-i India nunger tebur cricket asayar telok indang coach mapa ya June 23 nungi tenzükta West Indies den asayatsü sentong aliba metembang tashi inyaktsü, ta Supreme Court-i shimteta

aliba Committee of Administrators (CoA) ajanga Hombarnü jangjashitsüogo.

Ajisüaka iba mapa inyaktsü mesüra meinyaktsü ya Kumble molung lir, ta CoA mendenbuba, Vinod Rai-i ashi.

Kumble lenisüba nung Virat Kohli aser pai aniba telok-i pela manidaker, ta osang lir. Aser iba ama densa ka nung Board of Control for Cricket in India (BCCI)-i Anil Kumble melena coach tasen shimtsü asoshi tenüng meshiba ajanga nüburtem molungjang nung tasüngdangba arur.

BCCI inyakym reprangtsü asoshi Supreme Court-i shimba züngsem pezü agi akümba committee nungi anentsü asoshi tezüluba agütsüdang: "Captain

asert head coach tsüngda meputep aliba ya kechiba March ita Australia series temli süoki ia mejembi? Kechiba iba tebilemstü ya international tournament tenzüktsü mapang ang benok?" ta zülüja lir.

Indian cricket team nung coach inyaktsü asoshi taoba mapang India nunger batsman, Virender Sehwag, Australia nunger Tom Moody aser taoba mapang India A telok indang coach inyaktsü, Lalchand Rajput nungertemi tenüng agüja lir.

India nunger cricket asayatem ya England-i ICC Champions Trophy asayai aoba mapang BCCI ajanga Anil Kumble mapa matsülangtsütsü metetdaksü.

Cristiano Ronaldo jakrep tebu kumogo

June 12, 2017 (Agencies): Real Madrid nungi asayar Cristiano Ronaldo 'surrogate' tetsü ka ajanga jakrep ka tebu kumogo, ta osang ka ajanga metetdaksü.

Osang ajanga ashiba agi, jakrep ya ka tetsür; Eva aser ka tebur; Mateo lir. Tena ya Brehostibarnü US West Coast nung alir tetsür ka ajanga aso. Ronaldo'er jabaso

mezüngbuba Cristiano Junior 2010 kum June ita nung aso aser pa yaa surrogate tetsü ka ajanga aso ta osang agüja liasü, saka Ronaldo-i iba osang tejangia tang tashi nung agüja mali. March ita osang ka ajanga Ballon d'Or pezüben tashi koka alisang Ronaldo, tetsür ka jakrep ka sotsütsü imla ta metetdaksüa liasü.

India tsür para-athlete ka train atem nung mejangdaksü

June 12, 2017 (Agencies): India nunger train nung matamabensar atema kiojen teperi mali, ta tetsür para-athlete kati aitsü.

"Wheelchair nung senzür ka nem train nung menden temaba agütsüba nung amentsü ya tamakoktsü. Aser kü den külemi alisang passenger-ia menden melenteptsü memolung," ta South Korea Asia Para Games nung India tenüng nung shilem agila, Suvarna Raj-i osangbener dang ashi.

Sorkar-i iba ken o bushisüngdangtsü asoshi totuyuba agütsüogo, saka Suvarna-i ashiba agi, teti agütsüba telangzüba masü saka teti atema telemteba tajung kati arudaktsünür, ta ashi.

Suvarna Raj ya Nagpur nungi India yimtiba, New Delhi-i

Deobarnü aoba mapang iba ya adalok. Aser Nagpur nungi New Delhi adongtsü ghonda 12 agir.

Iba osang prokshiba sülen Railway Minister, Suresh Prabhu-i bushisüngdangtsü totuyuba agütsüogo.

"Ni atem nung mejangdaksüba mesüra matamabensar atema metsü meshiba tesem ghonda 12 asoshi magütsütetba ya tongtipang masü, saka ni ama passenger meyrjang aika anogoshia timtem balala ajuruba ya metetdaksünür," ta laisa ashi.

"Ni aliba tesem balala aika nung senzüdangogo, saka shingia mezüngmeshi masü. Onoka nisung ajunga den kasa amai amshidaktsünür," ta Suvarna Raj-i ashi.

BAI-i Taipei, Canada, US aser Asian Junior Championship team sangdongogo

New Delhi, June 12 (Agencies): Asayatem nem parnok practice asütsü mapang peria agütsütsü nükjidong nung Badminton Association of India (BAI)-i Honibarnü Bangalore nung selection committee senden ka mena taruba international asayamongtem nung shilem agitsüpurtem tenüng sangdongogo.

Iba asayamongtem Chinese Taipei Grand Prix Gold (June 27-July 2) nungi tenzüktsü aser iba sülen Canada Open Grand Prix (July 11-July 16) aser US Open Grand Prix Gold (July 19-23) ta alitsü. Maneni BAI-i Junior Asian Badminton Championship nung shilem agitsüpurtem tenüng dena sangdongogo.

Asayamong aser asayatem tenüng yamai alitsü:

Chinese Taipei Grand Prix Gold (June 27- July 2)

Tebur kija asayatem: Sourabh Verma, Harsheel Dani, Siril Verma.

Tetsür kicha asayatem: Sri Krishna Priya, Uttejitha Rao.

Canadian Open Grand Prix (July 11- 16)

Tebur kija asayatem: Sameer Verma, H.S Prannoy, P.

Kashyap.

Tetsür kija asayatem: Rituparna Das, Ruthvika Shivani, Sri Krishna Priya, Sai Uttejitha Rao.

Tebur tarep asayatem: Manu Attri/Sumeeth Reddy,

Tetsür tarep asayatem: Poorvisha Ram/J Meghana, Kuhoo Garg/Nancy B Hazarika.

Tarep temeyoktep asayatem: Sikki Reddy/Pranaav Jerry Chopra.

US Open Grand Prix Gold (July 19 -23)

Tebur kija asayatem: Sameer Verma, H.S Prannoy, P Kashyap.

Tetsür kija asayatem: Rituparna Das, Saina Nehwal, Ruthvika Shivani.

Tebur tarep asayatem: Manu Attri/Sumeeth Reddy, Satwiksairaj Rankireddy/Chirag Shetty.

Tetsür tarep asayatem: Poorvisha Ram/Sumeeth Reddy, Sikki Reddy/Ashwini Ponnappa,Kuhoo Garg/Nancy B Hazarika.

Tarep temeyoktep asayatem: Sikki Reddy/Pranaav Jerry Chopra, Ashiwini Ponnappa/Satwiksairaj

Rankireddy.

Badminton Asian Junior Championships (July 22nd - 30th)

Tebur kija asayatem: Jaswanth D, Lakshya Sen, Karthikey Gulshan Kumar, Arintap Das. (Reserves - Swarnaraj Bora, AryamanTandon,).

Tetsür kija asayatem: Aakarshi Kashyap, Prashi Joshi, Ashmita Chalia,Ira Sharma (Reserves - Kanika Kanwal).

Tebur tarep asayatem: Dhruv Kapila/Krishna Prasad, Swarnaraj Bora/Sai Pawan Karri, Krishna Podili/Vishnuvardhan Gaur.

Tetsür tarep asayatem: Rituparna Panda /U K Mithula, Ashwini Bhat/Apeksha, Anugraha/Reza Farhath.

Tarep temeyoktep asayatem: Tapaswini S Roy/Sanjay Srivastav, Dhruv Kapila/ U K Mithula, G Krishna Prasad.

Coach: Sanjay Mishra, Arvind Bhatt, Anshuman Hazarika, Trupti Murgunde.

Manager: Bamang Tago (Arunachal Pradesh) Sukant Das (Sikkim).

Dimapur nung MODI FEST atema... (Tapak 1 nungi...)



Hombarnü Tourist Lodge, Dimapur nung Nagaland BJP tir Visasolie Lhoungu-i Modi van tenzüktsüdang agiba noksa angur.

Tatamsa June 14, 2017 nü PWD, R&B, Fisheries, Govt of Assam, Parimol-i Dimapur Town Hall nung aagiba sentong nung tongti tesemdang ama shilem agitsü.

Lhoungu-i ashiba agi, MODI fest ajanga India sorkari inyakba scheme ajak linük nung nisung shia dang sayutsü aser item scheme nungi teyari agitsü atema sabang lapoktsütsü atema alizüng lir.

MODI fest nung "Saach Ke Saath, Sab Ka Vikas" dena lir aser Dimapur dak alia Nagaland kübok district headquarters ajak nung iba sentong amungtsü, ta paisa shisem.

ACAUT Nagaland-i PDS ken o (Tapak 1 nungi...)

Maneni, Tinku ya PDS dak sendakba onük nung nisung tepsetba ken o ka nung tai tonglokja lir. Iba asoshi ADC (J) Office-i February 19, 2008 nü 'Warrant of Arrest' ka agütsü saka tanü tashi pa mapur, ta ACAUT-isa ashi.

Tawa IT kettangsertemi Sreevalsam Group anema India tesem balala nung kiojentem mita aoba ama, IT kettangsertemi Vinay

Kumar Sethi-i inyakba mapatem aser pa indang benami company tem bushisüngdang asütsüla, ta parnokisa takhangba agütsü.

Bihar nung sen crore 900 sendakba Fodder Scam mesüra Arunachal Pradesh nung sen crore 1000 sendakba PDS scam dang nungi Nagaland nung PDS scam ya tuluba asütsü ta ACAUT-ibo bilemer, ta Media Cell sangdong nungsa ashi.

Nagaland nung 'child labour'... (Tapak 1 nungi...)

Iba inyakym ajanga tanurtem tila asüdag alitsüyim meliteter aser parnok temang aser tekolok nung timtem adokdaksür, ta laisa ashi.

India nung child labour adokbaji school tajungtem maliba aser rongsenkettütsü tsütsü tangar memenebpa ajanga lir, ta Nino Iralu-isa metetdaksü.

Sentong nung Commissioner & Secretary for Department of Labour & Employment, Skill Development & Entrepreneurship, Anenla T. Sato-ia o jembidang, tanur kümzüka ayutsü aser tanurtem temeten ya ajak atema tongtipang tebilemstü kumogo, ta ashi.

Kohima aser state nung jilatem nung tanurtem kilitsü atema ayuba ya tebilemstü tulu ka lir aser iba inyakym ya tanurtem temeten anema lir, ta laisa ashi.

Department-i tanurtem mapa

inyakdaksüba anema aser tanur temeten atema inyaktsü tenangzüka agiogo. Asen state nung Child Labour anendaktsütsü atema sendaktepa alirtem ajaki shilem agitsü ayongzüker, ta Anenla T. Sato-isa ashi.

Additional Deputy Commissioner Kohima, T L Kiusumong Tikhir-ia o jembidang, "alima nung tanur million aika industrial, mine aser company tem nung mapa inyakdaksür. Parnoki tanur asüdag alitsü taküm melidang aser pelaa malir. Anungji, asenoki asen loktiliba nung child labour anema inyaktsü atema awareness programme tem alitsüla" ta ashi.

Sentong nung Upper Naga Bazaar Baptist Church nung drama telok kati "Stop Child Labour" indang jilushi ka ia sayu aser Dreamz Unlimited-i yangluba documentary ka sayu.

BILEMDANGANG

"Tamaji nisung kati asüngdangba nungi shisa taka nisungi shisatsü aika angur".